

景  
文  
集  
三





景  
文  
集  
三

宋  
祁  
撰



中  
華  
書  
局



# 景文集卷十四

## 七言律詩

李處士

江天退臥久沈冥。秋入顛毛翠葆驚。原憲桑樞貧不病。子真嵒石老歸耕。樵風挂席晨昏至。屐齒登山上下平。邨稻已收霜橘熟。深心寧逐徼侯榮。

學舍諸生罕至。或累旬倚席不講。愧而成詠。

直舍沈沈掩迥廊。學官直舍列于兩廡。古壇槐柳對蒼涼。一囊有客愁饑死。三尺無人問喙長。暝據稿梧真用拙。東

歸高閣分深藏。日斜廣陌驅歸鞅。更似笞箠作漫郎。

寄題相臺太尉韓公畫錦堂

瑞節前驅畫錦身。堂成署榜示州民。遷鶯賀燕翩翻集。大樹甘棠次第春。漳岸夕波通沼溜。魏堂暇日弄梁塵。君看千古青編上。得意如公有幾人。

秋日射堂寓目呈應之

射圃雲堦枕庾園。危亭虛白敞南軒。霜柯橘嫩金衣薄。風沼荷傾鈿扇翻。謝枕吟魂迷帶草。嵇襟真慮屬

堂萱岸巾畫日聊相對。坐聽凝笳出繚垣。

偶作寄季長學士

已是南宮素髮郎。尙持衰味對風光。愛吟詎敢追梁甫。倚醉時能問葛彊。才苦空疎殘史牒。分從澄汰櫟衣囊。江樓夜月清高地。試問同君一據牀。

送常州陳商學士

紅梨秋老石渠霜。併欲蕭蕭伴祖觴。臺上縷綾收柘枕。水邊古獸得盤囊。浮雲竝蓋辭京輦。曉月將潮促使艎。綠飾有文成政速。剩儲靈氣茹芝房。

寄會稽天休學士

鳬乙天遙水驛長。笠車貪貳會稽章。風從射的迎仙舸。水是山陰作褖堂。鈴閣宴盤留薤白。書林官筆燥雌黃。庾郎于此情非淺。應許諸人共據牀。

寄弋陽王學士

新年給札漢家臺。愛伏枚臯受詔才。假蹇不隨虞弁進。棲遲翻逐阮麾來。倡優技拙飛觴淺。寒具盤空祕畫開。早暮傳車趨一節。敝冠猶望振窮埃。

喜得當塗葉學士手筆



隨岸秋風慘別祛。嶢嶢歲晏得雙魚。定因南浦傳能賦。卻到西河問索居。夜月連江金液動。曉山圍國銀螺疎。端倪欲報懷人恨。滴盡瑤蟾尚有餘。

### 送越州陸學士

梅天霞破候旗乾。鄉樹依然越絕間。挾策當年逢掖去。懷章此地繡衣還。亭餘內史浮觴水。路入仙人取箭山。牛酒盛夸先墅宴。不妨春詔得親班。

### 陝府祖擇之學士

白髮書林作丈人。陝郊迢遞駕朱輪。謾誇燕許文章手。未得嚴徐侍從臣。列岫倚牕吟樹曉。亂花窺酒宴堂春。幾篇新詠留珉刻。首記鸞輿八月巡。

### 和待制龐學士寄獻宮師相公之作

溢榮清溜接家田。白首辭榮鉉席賢。直使斯人歌畫法。後容吾黨記歸年。五禽習戲探仙術。萬法觀空證佛緣。聞道巖谿春更好。許誰飛蓋奉周旋。

### 河南希深學士

洛霧嵩雲滿眼春。仙郎清路擁雙輪。卻陪賓客趨東閣。已爲陽秋得素臣。淵祕圖書探漢舊。地交風雨訪周人。歲時獻壽嚴君府。誰見家庭玉樹新。

寄臨江知軍劉子先學士

文惠祠前旌旆飛。茫然南望涕橫衣。勤勞塞外凋雙鬢。蕭散江頭把一麾。都水酒樽花下倒。子先判都水監。子爲屬官。花下。青塘釣艇月中歸。青塘子先所居。子嘗詣之與子先及虞資道同泛小舟。乘月方歸。薦書繼上公憐舊。何力酬恩與意違。子繼蒙先薦論。

送楊學士三首并序

某聞望之補郡。常雅意于本朝。長孺爲郎。每注情于禁闥。皆欲恢明景化。徵序懿綱。宣碩惠于政經。奉清光于畫接。前聞盡在。茂躅可徵。恭惟學士。淑問熙朝。英猷秀世。頒條列土。重季布之股肱。陪議外庭。湊吾丘之智略。果膺綠詔。入覲紫宸。蓋丕績以上聞。表清衷之彌屬。飭東方之騎。飛輶載嚴。趣舍人之裝。輶軒旣御。而某夙叨恩紀。敢嘿頌聲。才愧巴人。莫貢彌高之唱。惠同嘉樹。願庶勿剪之謠。謹齋沐成七言四韻。送行詩三章。繕寫捧詣客次。祇候陳獻。理非逮意。言且無文。市成怫悅之辭。少係中和之作。

左幡彤赤抗前旌。捧詔西歸覲大庭。漢署餘香薰錦帳。唐家新政紀雲屏。迎秋畫隼開朱旆。別夜哀烏動列星。從此回翔宸渥厚。冠綏清曉俯階裳。

青絲千騎漢臺郎。入奏星藩解郡章。荷橐再親文石陛。班春初捲赤帷裳。百壺帳飲杯醺醺。一劄泥封詔檢香。幾日西清勞侍從。鬱葱佳氣接明光。

觚稜初日九天開。躑躅桑郊五馬迴。羣玉三山藏冊府。偃壺雙筆給中臺。編堂舊政盤留薤。畫省新辭砌

有苔闕里諸生彌屬望。雪園他日待延枚。

題景陵乾明院湖亭

東眺湖波十里平。竹椽疏舍敞澄瀛。山花暗落談經地。水鳥時聞念佛聲。薺樹繞天春色晚。綵雲垂地夕涼生。後車官冷曾過此。祇得幽人笑縛纓。

秋陰

擁棟溪雲暝夕霏。蕭辰寥落意多違。寒蟬自爲齊王怨。歸燕長逢阿母飛。杜若汀洲殘綠暗。芙蓉池沼墜紅稀。流塵滿席綦絕。誰問西河戰勝肥。

和葉道卿連日陰晦坐曹無緒見寄

霧著青旗燕尾斜。輕陰連日徧天涯。上林已暖先催鴈。細柳猶疎不礙鷗。積潤未妨鏗畫瑟。薄寒仍欲定流霞。問君何事貪官事。只倚雕章念歲華。

和中丞晏尙書春陰

輕寒剪剪著春旗。樓外晨光已暗移。小霧不還添柳弱。餘寒未去惱花遲。幺絃促柱愁成曲。遠水迎船巧作漪。誰在河橋望歸客。莫將雷響誤輕輜。

題翠樾亭

茂樹交軒地不塵。江光野氣望中新。客來魚鳥皆知樂。夢罷池塘併得春。烟竹有痕時拂戶。風花無意自飄人。當年幕客今追恨。不共山公岸醉巾。

夢野亭在景陵集仙王君爲郡日所創

州堞巉迴勢。一暈斜。翥四軒開。晴光獵草雄風度。曉氣浮江赤日來。望極長天閒倚杵。醉殘巖角暝休梅。須知故楚多餘感。剩費登高作賦才。

送連氏昆仲還省侍

〔案〕宋史隱逸傳連氏字君鐸舉進士弟庠字元禮亦舉進士在鄉里時宋郊兄弟皆依之

酥酪君家伯仲賢。相從疊舍修經年。三厄酒薄難爲舉。一腹書空但喜眠。庾信刻筠懷舊塢。隱侯題壁有新篇。糒甘調滑思歸養。溢握陵蘭照露鮮。

秋夕池上

楚江楓老樹無烟。池上悲秋一惘然。素蚌虧盈長伴月。戲魚南北各依蓮。風驅野燐寒爭出。露警臯禽怨不眠。伏檻臨流未成下。紫荷聲外轉珠躔。

屈原祠

楚江南望見脩門。靈鼓聲沈蕙捲樽。五日長蛟虛望祭。九關彫虎枉招魂。蘭荈獵翠淒寒露。楓葉搖丹嘯暝猿。賈誼揚生成感後。沈沙投閣兩街寬。

州舉俊民以藝中第爲詩馳賀

曾聯郡將署鄉書。日見函關賣出符。奏頌一揮雲落紙。賜袍三浴薰飄爐。高軒竝照連乾錦。飲膳分頒萐莆廚。病幕日期迎畫繡。塵容甘預弩前驅。

澠池道中

月樞殘白伴征輪。雪嶺蕭蕭久墊巾。此去崤函天設險。古來京洛地多塵。翠含山氣猶疑夜。紫動林梢已放春。自笑衰翁應分定。龍光行役兩平均。

屢乞近郡詔不許

避賢求假左朱輪。衝石通章觸罷頻。十駕似驚寧取道。五能如鼠不藏身。危心事國區區在。短領侵年種種新。君惠轉深無報日。長教猿鶴怨歸人。

祇役鄰郡道中曉發

故園回眼隔雲羅。野馬征塵拂袂過。息影有時悲惡木。回車無暇避朝歌。風號萬響天衢賴。山蟲千頭佛國螺。遊子行行歸計晚。庾心一寸奈愁何。

將道洛先寄太師文相公

兩鬢蓬飛歲月侵。收還祕殿上恩深。烏毛落盡那勝彈。古善彈者毛鷄禽不死。桐尾燒焦敢望琴。前日化工依冶冶。

守蜀改官相府啓。今茲舊物特遺簪。塵容喜接榮煌座。未忍公然動越吟。

登樓望郡中美人物之盛

曉色書烟萬瓦間。飛譙極望盡通閭。輪音鬧過叢臺市。歲計多于畏壘山。獵路向寒鷹眼疾。戍亭無事犬聲閒。邑民訟息風謠樂。坐飫雙雞止厚顏。

送史溫虞部佐郡四明

外署清郎出佐州。嘲辭不畏上山頭。天中倦目迷雲闕。江上歸帆避石郵。佳設自隨賓早晏。還書寧畏渚沈浮。嚶田越鉞農知勸。時伴春旗暗綠疇。

有詔解郡作

二年憔悴擁州旂。尺詔初容覲帝暉。何幸復燃灰不死。未應爲失馬重歸。蛟螭對舞瞻眉閣。翁仲雙扶識故扉。病骨多憂鰲黑甚。豫慙臺史與薰衣。塵晦荷囊裂舊縫。驚聞臺召計忽忽。忽從楚水楓林下。還入甘泉豹尾中。卽日遂收西望涕。方春便趁北歸鴻。休誇四入高涼地。已是人間素領翁。

送太常邊博士守永嘉郡

稷野英僚抱範新。東甌假守左朱輪。吳刀列衛州儀盛。越鉞催耕海葑春。萍渚日華搖使旆。蜃天樓影暗

潮津射堂西出賓簪樂。飛盡歌梁幾夕塵。

送薛學士伯垂同理嘉興郡兼簡太守集仙柳著作

廣內多年鐵櫪摧。監州新命詔函開。河東世擅鸛鵒譽。江左人瞻竹箭才。卽席離弦淒鵲韻。幾程殘魄晦珠胎。興禾善俗蓬仙友。剩舞吳歛恥宴臺。

謝都官監建安郡

郎署新疇出宰功。海關關夾使旌雄。晨塗倦伏雙毫奏。暮席貪隨五兩風。芳薜摘山唐貢遠。薏魚升豆漢祠豐。漢以乾魚祀夷君。賭囊貴冑膏腴盛。麗唱行開溢楮中。

江濱池亭

一羣掀翅壓溪隅。吏事初閒此晏居。斷岸有時通路約。輕風盡日戰枰樞。雲鴻送目揮絃後。客板看山拄頰餘。芰碧蒲青來更數。江人多識使君旟。

古意

博妖齊詐取侯封。褒貶都歸竹帛中。三虎有無空逞辯。一狐埋伏妄貪功。輪囷自許先枯木。首鼠何曾忌秃翁。堪笑雲羅彌蕪澤。不知天外有冥鴻。

寒食野外書所見

一雨初回逗晚涼。近郊連畝儼相望。乞漿易醉播間客。就養初開竈下郎。暖吹未休緣迴野。低烟不散爲垂楊。家家鐘鼓爭行樂。肯信龍蛇是怨章。

將到都先獻樞密太尉相公

再試州旗驗不才。卻將憔悴到中臺。相車問罷同牛喘。大廈成時與燕來。正嘉泰日方  
安立之拜今日謀猷須丙魏。他年賓客但鄒枚。西園問道餘春在。尙及花前澠澠盃。

送太尉相公赴鎮安軍二首

連章得請避洪鈞。赭案除書天下聞。久冠鸞鸞爲上宰。別驅貔虎作中軍。單車款曲懷邊帳。前年遣使契  
丹復修盟好一燧平安出隴雲。今年夏人  
盜首歸罪今日朝紳回首看。始知知退是元勳。

碧波三宿暫沿洞。豹尾雙驅大旆開。堂上謨成蕭宰去。人間事少赤松來。巖霖舊潤爲軒雨。醴麴餘甘作宴醕。下客無緣陪後乘。只應前席欠鄒枚。

答龐丞相

安車就第上優賢。不使當關損晏眠。勳重舊更三府地。體強初過六身年。游盤淨貯茶經具。醉幕閒垂酒頰天。獨念相如久稱疾。時時令預雪臺篇。

宮保龐丞相以詩見寄次韻和答

本乏微功輔斗樞。避賢仍忝領州旂。病依一室由旬坐。文殊問疾于維摩。設師子坐。高八萬四千由旬。以待諸菩薩。中殊不逼隘。老愧專城四十居。憩石雨苔同髮短。嘯軒霜竹伴心虛。掛冠尙有三年調。高躅空瞻廣武廬。

送張司勳福建轉運使

晚花吹酒送行人。迢遞風烟上七閩。江海身孤雖戀闕。豺狼路靜不埋輪。陽林擷露茶腴早。側樹烘霞荔子新。毛竹乾魚仙祀古。請君尋徧武夷春。

送友人赴舉

玉樹扶疎入紫烟。鳴騶偕計望甘泉。十行深詔言成綽。三道摛華藻揆天。澤國東風占鵲喜。杏園初日待鶯遷。自嗟擁鼻沈冥極。生看青雲著祖鞭。

送令狐秀才赴舉

薦衡上表獨垂蜺。密雪梁園逼賦期。秦市千金懷拱壁。舜韶九奏待長離。劉楨病久曾淹臥。宋玉才多故剩悲。幾日繡衣榮白晝。郡章驚紱駟車馳。

孫景隨侍赴舉

蠟鳳當筵占美名。文齋大被集時英。人同潁水將車樂。賦待尙書給筆成。鄉酒出郊浮蠟醑。故林馳霧暝猿驚。省知唱第褰雲幄。歸夢因君到斗城。

黃注昆仲赴舉

君家日下有高名。驥子雙馳嗣世靈。滄海賦毫多灑白。南山書簡偏蒸青。縣歌酒醕催鳴鹿。學舍練寒亂散螢。崑玉林枝期帝問。差肩唱第邇堯冥。

送朱進士赴舉

漢家廉詔舉翹英。銀紵觀賓望斗城。北地高門傳玉節。先太傅累持節西京舊學祕分籙。郵亭續食星軺急。嶺路馳烟月狹驚。幾日東歸榮畫錦。度關遙識棄繻生。

答轉運王工部謝公膠

老依渦曲作藩侯。月例黃堂給宴醕。敢把百壺夸顯父。且將三品敵荊州。味新聊稱長螯蟹。酌淺尤宜小樣甌。珍重故人貽麗句。縱傾家釀若爲酬。

提刑張都官回文詩

歡餘惜對清談劇。遠路行嗟又愴違。寒螿酒空催客別。曉驪歌罷怨人歸。乾風擺柳衰條短。驟霰迷鴻側陣微。殘歲念君同恨恨。麗章貽我慰依依。

祇答延州安撫吳宣徽

共看仙山玉樹秋。慶歷癸未歲予與公同在翰林從簪朝笏記同游。調元遂慶登三府。公卽獨歷樞臺抱袞惟堪讀九丘。予邇清要侍讀

迄今十重印垂腰榮擁節。公奉征鞍摩體忝爲州。自如何卻祗投殘筆。敢與陽春接唱酬。

李祕校省覲畢卻赴乘氏

謝遏香囊奕思餘。短亭瞰景駕驪駒。客盤飲嗜豐千蹠。仙舄歸飛伴兩鳬。官柳搖搖縈早絮。縣花的的照晴跗。東陽玉骨春偏瘦。省對霞朝憶上都。

陳濟赴舉兼省覲

相從同是日邊人。兩見江南碧草生。馮缺車魚初倦客。梁山風雨苦思親。虹橋刻柱前盟苦。獸錦裁囊麗曲新。袍雪紛紛君莫顧。漢皇終自識平津。予與君孤立諸儒之間。道之行否惟天所相。

同年梅鼎臣赴鳳翔幕兼省覲

時君家學士鎮分陝。

酪和盤櫻舊宴空。鳳岐新辟逐旌弓。坐陪府幄談成藪。趨問家庭史有公。春晷促浮萍葉紫。夜章催刻密枝紅。青袍玉骨英游盛。上路爭看側帽風。

梁子材宰葉州鄭縣

歲滿林光會計期。天綬還賞動慈帷。食榮壽母陔蘭養。不過忠臣坂道危。君還兩使職俸三銓擬官蜀道。近郡雲表晨鳬翻鳥影。齋中夜鶴應琴絲。未妨休沐邀清賞。市霧峯蓮共蔽虧。

北樓

危樓孤堞共巉峴。怒激號風結暝寒。校尉登臨非廣武。王孫回望卽長安。來麇蔽隴蹊牛下。密網橫山獵騎攢。梁蔽楚氛催歲晏。有人惆悵悔憑欄。

轉運李宥學士

棧外秋高薺樹繁。一星飛影伴轡軒。屬城導騎賓歌密。近野迎漿蜀老喧。濯錦萬樓催貢餼。熬鹽千井算牢盆。行臺自昔書林寵。不爲傷離更黯魂。

送江西轉運李定度支

江西使節擁朱輪。正用中臺鶴髮人。漕米爭銜千鷁舶。卽山催鑄萬扶紵。宴齋螺岫披雲出。醉館星荷照露勻。雙筆詎能藏藻思。落霞孤鶩向蕭辰。

送王太尉被召歸覲

漢廷擇日築韓壇。綠詔連催覲帝關。十乘元戎方叔貴。九天鳴鼓亞夫還。袍薰瑞氣蔥蔥外。仗入清塵九。九間好爲君王言敵事。早將功業勒燕山。

# 景文集卷十五

## 七言律詩

### 春霽

一雨初晴小霧披。海天羊腴報晨暉。寒消豔雪沈樓唱。暖入重簾御袷衣。柳外輕黃紛漠漠。梅梢殘白恨微微。烟皇笑電無窮樂。行御鯨牙逐錦輦。

### 寄鄂渚胡從事

紅葉薰幕得僚英。膝下斑裳捧檄榮。露茗一槍蠲蜀渴。絲尊千里佐吳羹。駐車吏識官橋柳。作賦人傳隴坻鸚。夜席兩宮求士切。天官寧復帶糊名。

### 成都

風物繁雄古奧區。十年僉父巧論都。雲藏海客星間石。成都有一石人。傳嚴君平所辨星石。今在嚴真觀。花識文君酒處壚。兩劍作關屏對繞。二江聯派練平鋪。此時全盛超西漢。還有淵雲抒頌無。

### 寄題滑臺園亭

有處行春住杏韉。列亭相望鬬鞦韆。花街曉圃三竿日。樹遶洪河一曲天。芳草細迎吟路屐。翠簫徐轉飲

溪船勝遊惠政成雙紀。乞與州圖後世傳。

史逸人

菑停滯穗壤餘蔬。畝首東南樂隱居。席地雕觴千日酒。振絳丹水百金魚。潺湲弄月蘋汀晚。嗚噓調琴南閣虛。霄外高情思把袂。西疇何日一巾車。

送保定張員外

傾座仙風冠穎奇。枳鸞移調位猶卑。蘭薰夕膳三林案。升榮詩二親而行草妬春袍一綵絲。烟戍星殘低序鴈。天雲斷送歇驅。報成結課行堪待。慰薦連章達帝帷。

歲稔務閒因美成都繁富

岷峨俗美漢條寬。野實呈秋照露寒。賣劍得牛人息盜。乞漿逢酒里餘歡。錦波濯綵霞湔浦。磴浪催輪雪湧灘。告稔不須騰驛奏。自應銅爵報長安。

蘭軒初成公退獨坐因念若得一怪石立于梅竹間以臨蘭上隔軒望之常差勝也然未嘗以語人沈吟之際適髯生歷階而上抱一石至規製雖不大而巉巖可喜欲得一書籍易之時子儿上適有二書乃插架之重者即遺持去尋命小童置石軒南花木之精彩頓增數倍因作長句書以遺髯生聊志一時之偶然也

竹石梅蘭號四清。藝蘭栽竹種梅成。一峯久矣思湖玉。三物居然闕友生。賴得髯參令我喜。飛來靈鷲道人驚。小軒從此完無恨。急掃新詩爲發明。

白兆山寺值雨呈同坐

飛軒憑望俯丹梯。星雨囊風暝夕曦。翠阜天遙雲待簇。紺園花老樹低枝。巾車預畏烟疇迥。蠟屐先憂磴道危。未似庾公年最少。桑郊盤馬帽簷敲。

祇答洛臺資政房春卿侍郎

青綾襖罷歇徐薰。餽吏多年嘆不文。病合避賢拋內署。老堪爲帥忝中軍。聲名已愧空如餅。富貴原知薄似雲。多謝翔鸞念籠鵠。不然誰信舊同羣。

答屯田齊員外見贈

淹臥清漳續畔牢。平時賦筆謝登高。決科漫欲當三道。作願何曾敵二豪。久侍經幃慙肉緩。驟歌樓雪覺心勞。兼金滿橐憂憂釋。空仰文星在漢曹。

送馮彭寺丞長興知縣

天外仙舄鳥影翻。河干畫鷁棹聲喧。奇才欲向菰蘆國。麗賦空留霰雪園。短柳搖搖迎去袂。初花的的伴離罇。汀蘋續賞饒清思。爲拂吳興舊墨痕。

寄贈高知縣

綠髮如雲艾綬青。絃歌百里久沈英。琴臺滯訟投刀釋。月觀雕章夢草成。紫芋蹲鴟編富籍。飛觴浮蟻析朝醒。何當入會甘泉計。玉樹扶疎倚太清。

送梅學密赴并州

連天臺榭侍天臺。始見東方畫隼開。路避晚風崑崙外。轉人瞻冬日絳中來。笳簫後隊聯幽俠。礪馬中軍聘楚材。自昔河東股肱地。不應歸節嘆淹徊。

送河中司馬待制

從祀天壇歇翠薰。西門征轍惜離羣。暫違冊府三重閣。先過樓船一曲汾。寶篆擊魚開左席。戲壺爭馬宴中軍。鶴樓西北懷都思。盡日憑高不礙雲。

抒懷恭答待制施正臣

誰謂斯人玷玉堂。憂懷易得復難忘。素書不答還堆案。長簟無情但竟牀。洞思論文成札札。流年著鬢有蒼蒼。病襟殊忘支離醜。爲恃君家白雪章。

喜屯田凌員外至

昔歲裁詩送爲郡。今年把袂喜還臺。迺妍賦筆悲秋罷。寂寞衣囊被謗迴。勁節肯凋霜外葉。驚湍須畏岸

前堆撫塵舊友今皆在。笑口何妨爲數開。

寄連元禮屯田員外

憶共西州把酒卮。酒酣風味未全衰。人驚李郭同舟日。句索羊何共和時。省帳飄香君覲早。篋書騰謗我歸遲。予留爲鄭他年會面須驚悵。瘦盡崑山玉樹枝。

張生南歸

謁舍修容倦刺毛。紛紛采紫笑銀袍。吳天破月愁歸晚。楚俗傷春忌唱高。江步挈舟雙打槳。酒亭橫幟一持螯。平臺鄒馬英游盛。罪叢連天待賦毫。

冬夕酌酒

艾夜更壺幾沸殘。尙持杯酒禦輕寒。半分沈令傷多瘦。數刻劉郎惜暫歡。天外月痕迷倦鵲。庭中霜氣伴衰蘭。接羅不倒糟難藉。坐見丹煤委燭盤。

答常山屯田張中行寄贈

紫荷焦脫煖宮毫。萬里邊霜擾鬢毛。不稱衰年開幕府。只堪平世掾功曹。飛蓬轉野初無定。瘡鴈驚弦久未高。猶有一愁何計奈。擲磬難報美人刀。四愁一曰美人贈我金鎗刀。何以報之英瓊瑤。

答郭仲微以予記注見慶之作

曉趁霞敞立殿螭。翠凹濡墨慶逢時。楮生徒記爲郎事。方朔猶慙待詔飢。目極天關趨窻窰。步依宮柞蔭華滋。故人雅意相憐厚。親唱陽春護草衰。

送袁進士赴舉

秋郊帳飲曙烟銷。素籥涼颼滿沔寥。南國大沾三獻玉。西京催駕一封軺。頻年衣敝緇塵化。幾夕文成密雪飄。奏御前期深底處。紫清仙闕鬱岩嶢。

次韻宮師相公答太傅相公秋書

巖樹蕭蕭秋興歸。師臣仍此褫朝衣。羽觴聊欲同賓壽。玉體何曾待戰肥。風圃薄寒浮醉衽。雨滌新浪拍漁磯。清篇自有夔龍舊。方外相從屏世機。

登樓

百尺危樓照綵霓。憑高不見羽人歸。桑田海上悲深淺。城郭人間歎是非。急檣征帆來未定。遠雲低樹去相依。古歎今恨成多少。詎減江聲與翠微。

送元諍歸中巖井序

予昔家景陵。與師同預北禪祚公法席。後三十年。予守成都。師自富順監肯來。洒然話舊。昔之壯也今瘁。昔之鬢也今華。師雖忘懷。予不能無感。俄而告還。作詩一解。以慰其行。

景陵同坐貫花筵。日月飛馳三十年。兩股尋回江上錫。一燈分照劍南天。巖雲護鉢龍降呪。林露侵衣鶴警眠。此地相逢須重別。在家靈運已華顛。

同年王聖源南都講授聖源嘗以事免職

刻意悲秋髮未華。諸曹頻費杜陵嗟。歌緣郢客高難和。璧是秦人誤指瑕。綠底恩書褒振滯。烏衣羣從慶還家。離宮萬戶經庠盛。卻對諸生坐絳紗。

守塞三年上北京。留守賈相公

天心北顧倚長城。上相元戎兩印榮。雞羽靜沈傳處檄。虎皮閒裏戰餘兵。河朔兵甲盡貯北都武庫九宵冬日人蒙惠。

萬未春霖俗勸耕。和氣愈充身愈退。只憂難避是功名。

公屢乞開郡蓋避功名之地

雨洗星街夜禱空。暫持魚牧守離宮。臯陶舊曲明良內。卻穀高談禮樂中。戟筆後車雲蓋密。鳴鑣前隊錦構紅。不妨華髮千官上。始稱凌烟第一功。

暮春

伏檻臨堂更曲池。鮮風淡蕩燕參差。蕙殘已覺銅盤冷。梅落猶煩玉笛吹。拂世只愁衣帶緩。當筵但訴玉杯遲。羲和辛苦眞何益。不放金烏宿故枝。

感懷

俯首周南淚未乾。驚開魚素得雙盤。心隨月樹烏三匝。病費仙山藥一九。久許橫經陪闕里。更憂舉步學邯鄲。裊銷衣緩風波苦。鴻陸歸飛燕廈寬。

續抒感懷

出案屯營臥治州。黃雲三結寒垣秋。敦詩未必真謀帥。有恨何妨老不侯。百慮參差非壯境。一檣寥落但邊愁。此時白躍知無愧。萬物爐中許見收。

官廩月錢不足經費

俸微纔給斗升儲。煬竈烟沈乏爨蘇。下澤出游無款段。長安飽死羨侏儒。病杯殘蠟分蛇影。夢管流塵晦鼠鬚。天極包荒恩未報。敢隨張翰憶秋鱸。

書懷

顏徒陋巷不堪憂。日晏南榮擁敝裘。已識交情一貴賤。寧論書置自沈浮。爭名在昔聞探穴。喫餌何人肯直鉤。強欲誅茆啓三徑。邑中無客繼羊求。功成有意避齋壇。睨柱無瑕玉更寒。萬里長風收戍旆。三年零雨拂歸鞍。樽中酒美催高會。圯上書閒得細看。歲晏雪圍賓蓋少。要須枚叟奉餘歡。

春雪

銀礫欺春亂眼來。重陰萬里壓平臺。光沈後牖將飛瓦。麝袖南枝已落梅。池曲平翻冰共泮。山腰未積玉爭頽。長安併長旗亭價。蜀女當壚自滌盃。

春雪寄鄭府尹

風御憑空捲玉塵。急飄斜舞碎霙勻。九重闕裏都無夜。五出花前自作春。賸借薄寒添鴈夕。強留餘暉惱鴛晨。須知柳絮紛紛態。迷殺章臺使面人。

看雪

慘淡繁雲密霰狂。結瑤城堞儼相望。偷尋柳絮思隋岸。誤折蓼花認洛陽。斜透綺簾欺翡翠。旋迷樓瓦失鴛鴦。平臺賓客今何在。誰繼鄒枚從孝王。

望仙亭真酒看雪

雪壓春期蔽曙空。憑高把酒思無窮。光侵病鬢都成白。寒著醺顏久未紅。淮濤亂迷珠罇月。柳園狂誤絮時風。使君醉筆慙妍唱。半落巴人下里中。

答通判張太博賀雪應期

親祝星魚裂綰綃。再旬方見瑞英飄。陰連臘底寒威在。潤壓春頭癘氣銷。碎粒有聲欺瓦屋。亂花無次惱林條。府中上客真才子。首爲常民續楚謠。

對雪二首

風過龍山萬里沙。密雲疎霰渺無涯。臺疑穆滿都成壁。樹憶黃奴併是花。曾許輕姿饒白羽。解將寒力減流霞。梁王不悅鄒枚老。同坐睢園念歲華。繁叢著樹半瀟瀟。皓氣妍華混沆寥。爲倚風流偏解舞。故藏朝晝未成消。玉繩四徹仙峯迴。銀界三千佛國遙。向曙紛紛殊未已。九門知有謝莊朝。

和晏相公乘輿宿殿致齋日巡仗遇雪

天京飛雪灑車裝。九九清塵御路長。斜影不迷宣曲騎。薄花纔點羽林槍。觀邊麗色含鵲鵲。蓋外輕陰亞鳳凰。誰識憲騶巡趁盛。賜袍衝霰入林光。

和晏相公夜歸遇雪

孝王臺下梨花飛。芳草歸驂驟碧蹄。斗作暝寒凌冒絮。更回餘舞拂鄴泥。城連迴闕迷蒼鳳。人度長橋暎素霓。顏玉正酣天幕靜。不妨清思入新題。

漢南都監官廨射亭

的皪遙連射圃牆。碧簾烟瓦鬪暈翔。庭中桂樹含春早。席外簾衣拂地長。繪縷薦盤鰕項縮。酒杯行算蟹螯香。主翁綬帶多歡極。賓轄沈聲在井牀。

寄獻許昌晏相公

右輔風烟接上都。功成番愛駐州旗。爐經萬物爲銅後。田是諸侯假壁餘。合宴金匏催大白。當年賓從照紅蕖。向來病守成惆悵。不預懷鉛奉相車。

絕董

多年臥病厭腥膻。香飯初依竺國流。宣父蒲葦真可學。鍾馗魍魎更無求。爐銷午篆天花泊。几隱宵燈燭葉留。割肉焦羔非我事。此身今悟一浮沤。

寄題眉州孫氏書樓

魯簡多年屋壁藏。始營葺棘瞰堂皇。髮廚四匝香防蠹。鏤槩千題縹製囊。定與鄉人評月旦。何妨婢子誦靈光。良辰更此邀清賞。庭樹交陰雋味長。

南峴候館晚春有感獻郡守

春暉明淡上三竿。風苑愁紅邁帶殘。夢後單衾淩晚薄。體中餘酒向醒寒。山梁嗅雉晨羞飫。楮鼻磨鉛藻思乾。深愧府公賓禮厚。不教持版預羈官。

三月晦日

靜彈塵幘照溪流。落泊春芳向盡頭。早葉乍濃留客坐。晚花猶在索人愁。最憐幽草能縈帶。已覺浮雲解

映樓玉髮未多須劇飲。羸輸寧屬阿戎籌。

夜宴

卜夜金華逼綺寮。星河垂地漏聲遙。吟龍遞怨先供舞。留鳳愁寒不傍簫。隔坐聯章催鏤管。分行度曲認金翹。平明便是驪駒別。莫使衣香卽日消。

答燕龍圖對雪宴百花見寄

百花洲外六花寒。使幕凌晨把酒看。舞袂回風人鬪麗。醉山頽玉客留歡。斜靠北渚離鴻下。密灑東風寶騎攢。猶念平臺舊朋侶。遠將清句代幽蘭。

休日閱古堂小宴

宴堂叢檄倚晨霏。客在風清酒力微。曲沼新荷能碍釣。薜蘿濃葉不通飛。盤紛素脔魚腴美。齒漬寒津蔗境肥。一笑相歡無吏責。張扶應悟坐曹非。

陳奉禮宰四明

大庭聯袂挾英華。龍鳳池名在一家。鴈塔墨痕鵠繼序。桂林春色棣交花。袍薰茂草萋萋遠。橋暨歸風拂拂斜。靈越弦歌皆勝踐。遞唐清思賦餘霞。

答彭州職方朱員外公綽

四忝方州換隼旒。九番官樹老儲胥。淹留太史編殘藁。廢忘河東餞裏書。遠想淵雲才不逮。略通印綬計仍疎。夢迴密友偏矜我。時損瑤音附鯉魚。

艤舟懷信亭

使麾得請印垂腰。不畏秋風病鬢凋。游子已攜河上手。客槎猶在斗邊橋。水從南浦傷離劇。馬近東方作意驕。曉榻夢回翻自愧。臥聽人赴午門朝。

省判李度支頌相過敍別兼述感懷

君趨召節向中臺。我滯邊州未得回。頭白羞論天下事。眼青欣舉故人杯。池蛟得雨鱗先動。霜隼乘風翅始開。見上若詢頗牧將。爲言儒帥果非才。

監中會兩禁諸公飲餞吳舍人梁正言富修撰葉龍圖以計省不赴作詩見寄

殊庭詔蹕斗車回。學省歌驪宴豆開。孺子囊閒同放筆。景山鑪暖不停杯。橋門細溜生寒沼。經市斜光落晚槐。捉麈知君非興淺。枉教華劇計籌催。

客白茂來言元禮日觀棊劇飲

寒山倒影入樓扉。鈴唱悵悵少譁辭。左手持螯人嗜飲。一斑窺豹客爭棊。萍游倦罷傷醒夕。星落殘杵圖却遲。日日忘懷還憶否。戌時瓜老是歸時。

冬夜飲散悵然有感

醺顏夜酌醺闌阂。悵憶彫年事半違。雪翳隴雲寒寡色。霜天幌月暗通輝。素書有恨隨鴻遠。邊夢無成伴蝶歸。可得延陵重一聽。流波雅引在金徽。

東湖禪院

像閣緣雲一水東。鹿園珍樹蔽青葱。漂殘劫盡神池浪。吹去菱花講坐風。仙石拂衣寒起霧。層沙聚塔遠凌空。赤髭淨侶移談久。牛首青烟匝篆紅。

# 景文集卷十六

## 七言律詩

### 送客野外始見春物萌動

苑路高高雪作泥。始知春信到芳蹊。綠波水暖魚腮驟。縹色陂長麥首齊。萬里碧雲隨望合。半規紅日有情低。榆牙柳目相看數。枉是迴腸付解攜。

### 送客不及

祖密難留十里筵。亭臯衰柳但長烟。班雕不及來時路。黃鵠空驚去後絃。曾是松心同歲晚。忍無梅信發春前。南樓漫作憑高計。望盡天涯更有天。

### 江上送客

十里長臯五里亭。天涯送月淚緣纓。洛辭但許凌波渡。桃曲猶煩用楫迎。遠信卽時勞裂素。客心何日免搖旌。芳晨莫道歸期晚。碧草江南正亂鶯。

### 勸客

貂裘敝盡飲瓢空。身滯平臺勸客中。渡落本依莊櫟社。飄飄誤閉隴鸚籠。心緣遠別長依旆。髮近窮年已

付蓬。素願祿儲過六百。雲羅天外有冥鴻。

登師利寺文殊閣

寶梯斜級上盤空。千里亭臯一眺窮。翠柰自生經苑地。萎花時墮佛天風。橋橫潁岸淙幽碧。日下嵩雲插倒紅。暫滌六塵憑檻久。可嗟歸御太匆匆。

中山公損疾二首

自有西京七發才。蠲疴不待更延枚。縱金廣樂迷魂寤。蔽月飛雲病膜開。宮鼠晦鬚拋賜瑄。蓬魚霏縷強晨杯。何人過問維摩室。定有文殊作禮來。

公深究淨名示疾之典。故疾間有譏維摩經詩三闕。中其妙旨。

懇避嚴廬十拜章。一麾重許出東方。批成詔鳳多焚草。戲入仙禽不亂行。麗正書編爭授簡。荊州象笏別持囊。絳帷有客悲秋早。預怯臨流奉祖觴。

時公有澠川之命。

長兄冬夕遞宿偶成長句上寄

絳幘雞人唱夜籌。宿廬遙忖道山頭。夢思園吏成羈寢。書掩冤家倦對雠。雨閣氣昏蓮帶井。燭簾光動蒜條鉤。孤吟一夕懷康樂。廣陌黎明望紫駟。

和王龍圖七夕直宿

二星秋早駕雲車。此夕閒君寓直廬。月在宮中穿線處。香傳樓下曝衣餘。橋烏徑度明河近。巢鳳歸翻暝

閣虛寂寞。潛郎誰晤語。只應藜燭伴離書。

和宮師相公待制龐學士賢年二韻續川然兩字

龍樓一品亞臺聯。佚老歸來帝養賢。商皓嶺芝追隱伴。胡公潭菊得高年。客盤梅熟經調鼎。宴渚舟橫舊濟川。延閣裁章紆和曲。玉音風馭共泠然。

友人書齋

雪上鮮風拂袂過。訟庭談樹自婆娑。東家屋壁韋經絕。左氏門庭賦筆多。岫幌蟾蜍生夕露。墨池蝌蚪動圓波。學詩夢草豐餘暇。萬壽稱觴醉弁俄。

感事

曹鼠秦車未足多。幾人曾此動悲歌。鴻心不慕冥冥弋。鳬脰長隨泛泛波。方朔一生游禁鑣。彥倫終古老山阿。江淹若是真多恨。古往今來奈爾何。

答李從著作

身是雞翹侍從流。單車淮上老爲州。全生正似婆娑樹。不死翻成黻黼牛。今日空名同地餅。晚年歸計有瓜時。慚君遠寄相思句。不啻三逢採艾秋。

朱舜卿南遊有寄

漠暈烟浪。潑春。引節江干一問津。南浦草平偏送客。大堤花晚欲留人。歸心怨逐搖搖旆。尺素愁迷六六鱗。湘冊聚螢。幾几靜。露軒香粉。暗書筠。

賀紫微舍人改鎮

星翼分軫。鎮上游。江山和氣擁行舟。芝房照露供盤劑。萍日橫波送棹謳。楚塞路長雲戀幕。瑞亭天晚月呈鉤。漢家夜席歸期近。宮篋書空謗焰收。

送孫臯

江邊瑤草鬪袍青。所樂從軍得四明。新水一篙催泛鷁。故林三月及聞鶯。羽書無警棲毫熟。談幄多歡醉葉傾。我亦中都厭羊酪。爲傳秋思與葦羹。

送黃灝

橫步文林二十春。華顛初得半通綸。江邊又濯滄浪水。堂上寧招舩髀人。未分塵纓慚蕙帳。不緣羊酪棄葦尊。思家夕夢還都信。併附秋波六六鱗。

送張問南游

草遠花明溝水頭。同君此地併離愁。葢餘醢酒沈三賦。合作盤鯖厭五侯。覺在他鄉應有夢。信非吾土少登樓。楚山不見西江遠。莫反騷文剩駐留。

送鄭天休

春筇蒸徧攬鋒摧。刻奏飄然別上臺。授簡客驚枚乘去。探書人繼史公來。爆桐度曲離筵慘。樵的分風使棹催。千萬褰濱傳善序。永和三月有流盃。

送馬房

百五天長甚雨回。祖筵離思冷如灰。騁辭雕苑繁雲散。挂額西山曉氣來。草色不須爭去袂。花光正欲傍迎醅。相君臥鎮羣英集。一府翹然用楚材。

三月四日玩園花小集

中園愛客重游陪。三月林花落復開。鏤管喜傳吟處筆。白波催卷醉時杯。歡襟已快邀風度。舞地猶寬放雪回。不是年芳相假借。使君兼乏斐然才。

春夕雨歇

江雲夜雨過前墀。菌閣微涼縠霧披。戒井漏殘銀箭促。青天笑罷玉壺欹。文波弱荇浮清瀨。珍樹驚禽遶暗枝。縱使何郎詩筆在。未應幽恨抵蘭時。

城西晚眺

北樹風輕爽醉襟。天涯搖落對登臨。一篙寒浪船移浦。千尾殘陽鳥赴林。倦客亭臯時遠笛。早寒墟里漸

疎碁憑欄不覺休邊角。暝氣蒼茫失半岑。

題著作魏仲先隱墅

隱路高高入翠微。人亡宅在有餘悲。自聞溪月知吟處。不散巖雲憶臥時。素壁塵昏三紀貌。白楊風老幾

尋枝。仲先去世三紀有餘。草堂故集篇篇好。要與商翁續紫芝。

杜少卿知陸州

三年去國別堯雲。一篋書空此謗分。賈誼有才偏隕涕。屈原何賦不思君。諫囊久晦沈餘草。綬笥重開結舊薰。幾日班春向桑野。漢家新詔十行文。

程密學知益州

塤塗畫對光堯冀。細札芝泥罷綬聲。三獨舊臺呼幅寵。十連新府夢刀靈。雲梯霽日明鈎棧。雨閣蒼苔蝕劍銘。只恐廉襦歌未厭。螢煌歸應六符星。

張屯田知兗州常按察  
讖縣

漢家關內使騶來。廣魯風旗畫隼開。地得股肱雄近輔。書留筋骨冠中臺。儒宮剗壁嚴祠豆。督府均羊盛宴罍。應望仙閭舊車道。倚天燭石篆昭回。

葉司封知宣州對日改  
三品服

歲久中臺鵠領垂。牢盆罷計擁藩麾。新加綬艾天香襲。密對簾巒禁刻移。青舸信潮隨早暮。赤轡靈雨徧公私。樹猶如此成前感。重蔭當年蔽芾枝。司封告監此郡距今一紀。

### 病興

病興還見歲華陰。身屬囊韃久未任。主畫固須煩孟博。病中請務委監郡。作書寧免倩陳琳。書疏多假手。仙丸玉七食餘餌。甜耐銀甌喜細斟。誰笑衣囊長寂寞。橫思新得漢臺金。

### 送俞給事知宣州

懇乞江南太守麾。過家爲有故山期。使軒密雨千騎擁。瑣闥斜陽一拜辭。枕底潮雞參驛鼓。船頭沙鷗避牙旂。此行正及吳淞美。雉尾萼香欲變絲。

### 凌屯田知和州

坡殿程篇屬思精。飄飄老氣薄齡羸。一臺舊服郎官筆。千騎新提太守兵。候吏騰裝催去舸。故人引脰悵離觥。雲波莫苦秋江闊。自有桃歌用楫迎。

### 送郭太保知相州

螭階看引羽林兵。君典軍頭司予修注記故日相見于殿中。罷直還家得使旌。黼帳三雲清曉別。錦鄴千騎上頭迎。鴛沈故瓦秋烟闊。鳳下長阿夕照平。誰伴燕休同把酒。嘈嘈歌鼓亞夫營。

張宮苑拜嘉州刺史知恩州

二年同守夢刀城。遙節初爲北道行。飛將負才曾捕虜。端臣在環州身出捕虜有功伏波見上數論兵。劍南剩臘梅迎使。塞下新春迎映營。貴寵逼身頭未白。七貂終嗣漢西京。

哭公孫子正

窮愁四十鬢華侵。肘臥垂楊感慨深。遺墨未乾園令札。悲絃長絕獻之琴。子正之伯氏淪謝幾數月子正長往嗟賢有夢龍占苦。對牕無言鵬坐陰。三步過車綿醉薄。死生從此隔朋簪。

七夕

開秋七夕到佳辰。里俗爭誇節物新。烏鵲橋頭已涼夜。黃姑渚畔暫歸人。裴回月御斜光斂。宛轉蛛絲巧意真。卜肆沈冥誰復問。年年槎路上天津。西南新月玉成鉤。奕奕神光渡飲牛。素彩低浮承露掌。清香不散曝衣樓。天邊華幄催雲卷。星外橫橋伴客愁。莫使銀河到滄海。人間溝水易東流。

冬眺

城外斜光角已催。城頭倦客首空回。星霜牢落凋年往。天地蒼茫暝色來。千尾昏鴉愁迴戍。幾蹄征馬思窮埃。使君興罷惟無緒。不是登高能賦才。

朱舜卿歸自別墅

逍遙初服偃郊扉。學舍經旬望貢綦。庾信移談思講樹。周顒迴駕避低枝。摘華更喜聯新唱。散秩猶煩整舊疑。欲序三都先自媿。士安風痺素清羸。

感秋

迴腸病骨兩驚秋。已作衰翁未白頭。天上有星寧免客。人間無地可埋憂。車翻落日何曾定。臂化鳴鴉豈易求。莫就離鴻寄歸思。離鴻身世更悠悠。

和十九日湖上與張集賢餞提刑張都官韻

共憑高榭眺雲波。使節將歸可奈何。醇酒暫留丞相飲。驪駒愁對主人歌。千巖日下催雲合。萬里風長送鴈過。茲會難言須惜別。歲陰光景玩蹉跎。

苦雨中作

雲陣窮天雨足低。陰霞不照露盤西。城高已蔽觚稜鳳。水濁先愁獨漉泥。古樂府云。獨漉。水深泥濁。戰蟻爭封緣暗穴。怒蛙邀軾沸空蹊。齊牕病枕迷昏晏。只有喑喑託曙雞。

送韓太祝

雲陣星躔促傳車。長安初日望儲胥。金閨引籍中天闕。玉宇藏家上帝書。太宗賜君家先侍御製頗多。祖道泛萍觴易

醺。賦園飛雪席應虛。承明再過懷先業。磐石深沈禁樹疎。

送蕭山宰劉寺丞

秋江九月鷺濤平。楚客征檣拂縣星。射的初過若耶渚。禊林重訪永和亭。畏蛟俗富風移古。飛乙天長日際冥。幾帙異書藏臥帳。肯容僧客廣蒸青。

孫沆從事宰吳興邑

舳尾東銜鳥羽輕。滄浪餘沫恣霑纓。尚沈幕府千人俊。卻勸鰲田二耦耕。蓮有豔歌邀夕泛。蔗留佳境析朝醒。行行正及吳蠶明。脆盡商絃別曲聲。

寄獻澶淵太傅

使旆高翻西北雲。舟梁橫過九江濱。文書吏樂輕車府。表幟人知大樹軍。引漑劬農渠雨密。感涼邀會帳霞醺。花門車子能歌地。樂職聲詩日夕聞。

祇答太傅鄧國張相公

鴨陂清浪撼城隅。此地班春忝細書。琪樹老來拋禁省。玉繩低處認皇居。君軒戀結蕭蕭馬。客素愁憑六六魚。相閣裁章憐舊物。爲曾簪筆從雕輿。

登塔

宰塔綠霄鴈勢聯。憑闌清眺俯三川。春華已徧燃燈地。日氣猶烘噴雨天。游蓋結陰塵不動。飲籌催醕客爭傳。須知四級題名處。要記浮生六十年。

和延州龐龍圖見寄

交戟多年著皂衣。乞州初逐阮咸麾。驚殘烏鵲虛弓笑。傾盡葵心白日知。宿莽騷人傳麗賦。女蘿山鬼實叢祠。自慚念舊殊非計。正是朋游掉臂時。

再寄

鈴下呼兒破錦鱗。新篇遺我故情親。鍛鸞遂有翻飛日。行葦應無踐履人。讒毒未銷須刮骨。上恩難報止沾巾。夫君何事材爲累。短褐征衣擁塞塵。

山中清明

一雨東郊捲夕雲。山中坐對寂寥春。高低桃錦紅相倚。輕重榆錢綠不勻。杯冷羅門拋午案。簾殘屋梁晦流塵。漢編漸美開魚禁。已約溪公下釣綰。

隱几

空齋隱几度流光。濩落由來我所長。枉許是非同喻馬。不知晝簾兩亡羊。空名更甚浮雲薄。代事都無半捶強。心誓前賢六百石。異時初服返東岡。

題多寶寺水閣

寶坊雲構壓河流。梁日東南宿霧收。湧塔千層排候鴈。叢楹四注倚陰虬。低翻楚蕙鮮風曉。橫逗吳甌下瀨秋。暇日便堪供賦筆。不煩王粲更登樓。

贈張齋郎

青絲垂領稱華簪。結駟千門別第深。學舍問詩衣五綵。家庭佐酒壽千金。蘋蘭媚晚供晨膳。碧草生塘動晝吟。獨感舊遊移岸谷。山陽疎笛淚潏潏。

贈潘齋郎

吟塘春草奪袍青。蘭玉仙姿出謝庭。刻羽彫章傳雪市。煎波麗賦淹雲溟。逢衣四座開賓榻。綵服千金獻壽醺。漢殿前期思削牘。紫圍翔步弁如星。

題橫山寺

碧山千疊隱招提。淨刹岩亭拂彩蜺。月澗溜琴噴菌閣。雨天雲葉晦璇題。寒銷爐篆螟風細。密亞巖烟鳳竹低。病久毗邪真得賞。迷津一滴戀曹溪。

閏正月二十五日送客尋春集裴氏園

尋春送客共留連。雨罷春郊物物妍。黃抹柳梢初徧後。紫粘花萼未開前。朋襟自爲交歡慘。醉罍誰能辨。

聖賢猶賴斜陽催跋馬。不然離恨損絲絃。

和李屯田西湖尋春

把酒同尋湖畔春。賞心何況更良辰。留陰岸雨溥紅杏。送暖汀風惱綠蘋。低寫臥虹橋齒密。小裝文鶴舫頭新。聚星亭上華簪客。卽是高陽舊里人。

和武宣徽陝樓晚望有懷舊遊

陝樓重倚望軒城。百感中來久未平。屈指疑邊饒歲月。逼身添重許功名。飛觴置酒高陽興。公詩有尊前依約認山公之舊樹攀條司馬情。昔日使君今上將。請看前後萬犀兵。

歆枕

欹枕風牕雪絮繁。夢迴紅日轉南軒。淒遲自樂同人什。偃息終非魏國藩。書習練裙聊弄翰。吟隨池草欲迷魂。踈慵不喜當關報。羅雀先時署翟門。

祇答天平相國龐公追記舊遊見寄

把酒同爲花下賓。東風一十五回春。歡情墜若瓶邈綆。感緒多于白裏辛。枚馬老能持從筆。白夔龍今已避鴻鈞。奉和附塵舊好公須憶。憔悴惟殘厭次人。東方朔平津侯書有附塵之契。



# 景文集卷十七

## 七言律詩

楊都官曰嚴赴鄆州

連年三換左朱輪。

君二年中得襄陽領泗上山澠得鄆

正用臺郎第二人。帷殿程書清刻永。家牀添笏賜袍新。君恒道上郡陸對日賜五

品章服

潤波仍跨洪河曲。敏政將肥瘠魯民。趣引前旂向桑野。漢皇恩詔重方春。

杪秋官舍念歸

獨計年華念鬢華。秋來依舊滯天涯。半分沈約愁銷臂。一束鍾繇憶賜花。寂寞林蟬應自嘆。蘼蕪庭鶴待誰誇。西江開道通星漢。試借君平問客槎。

登高晚思

喜祇塵襟屬麗譙。高旻雨罷暑氛銷。遊回宿鳥霞橫嶺。唱殺寒蟬柳抱橋。戍壁風烟聞尉候。客亭燈火混漁樵。山川信美非吾樂。已是三年去國遙。

一雨

一雨初收細細涼。碧雲西畔見殘陽。歸期只覺刀頭遠。別恨偏教帶眼長。梅驛使稀誰託信。蕙盤烟冷不

成香。酒泉已是三千里。何況關門未得望。

謝都官監治建州

初得中臺滿歲遷。七閩猶貳左魚權。雞香燼晦華星闕。虎眼波迎下瀨船。幾種珍鮭資晝膳。萬岑芳茗蔽春廛。行行正及陶嘉月。溪樹烘霞荔子鮮。

筆次

菱花照鬢感流年。始覺空名盡偶然。十擲成韃寧是拙。一丸求藥浪圖仙。位卑司敗無言責。事少當關許晏眠。上此墮官坻自劾。不煩公掾更平鐫。

送屯田張中行能成德軍通判還朝

中山花下舉離樽。綰髮蕭蕭重黯魂。假節共辭金馬闕。滿更先入玉關門。壬辰秋與中行同赴常山。不半罷。彌年錦帳殘香燎。幾夕蘭陔插露痕。早伏青規奏邊事。五芝泥熟待新恩。

按行府城通判張太博有詩美山川風俗因繼作

百尺譙城一凭欄。提封占盡古常山。公私雨足耕疇徧。赤白囊空塞候閒。撥刺河魴供大嚼。含糊趙瑟勸酡顏。正應此地從軍樂。先播辭人麗藻閒。

閏正月二十五日送客尋春集裴氏園

尋春選客共流連。雨罷春郊物物妍。黃抹柳梢初徧後。紫黏花萼未開前。朋儕自爲交驩悴。醉聲誰能辨聖賢。猶賴斜陽催跋馬。不然離恨損絲絃。

覽聶長孺斬春罷歸舟中詩筆

姑山羽客冰爲骨。金掌仙人露代餐。化作妙辭眞扣玉。寫成初蕪剩驚鸞。心隨零雨濛濛密。恨過清溪曲曲寒。此祕東陽誇未賸。靈均千載有餘嘆。

吳中友人惠蟹

秋水江南紫蟹生。寄來千里佐吳羹。楚人欲使衷留甲。齊客何妨死願烹。下筯未休資快嚼。持螯有味散朝醒。定知不作螳蜋懼。曾廁西都博士名。

清明日集西園

日日西園春思催。攜觴結客上高臺。正緣從事青州至。更許書生洛下來。早葉已成花半落。新巢未定燕千迴。芳辰物物皆堪愛。併作高陽倒載媒。

遊惠山

遇酒忘憂聞樂喜。世人未到惠山前。泉供勝味輕糟麴。松獻清音異管絃。陸子舊文殘琬琰。洪家餘跡撫雲烟。珍禽幽石應容我。翠麓亭深晚更便。

西齋夜思

蕭宇齋空夜景深。長康勉力效長吟。池風過處琴遺韻。牆月斜時樹倒陰。几隱原灰同木槁。書緇故網有魚侵。漏壺漸促星榆轉。獨背篝燈擁薄衾。

同年成楫濰州理掾

東風鶯友舊聯飛。彫歲鵲弦此惜離。路怨亭臯長續短。客嗟京邑素爲歸。且欣便道還家近。未厭無聞得掾卑。漢殿有人能夜誦。君才不減子虛辭。

送黃昱祕校太平理掾

中銓覆擬下慈宸。又作東西補掾人。去國雖逢零霰暮。過江未失雜花春。西山氣爽聊持版。白紵袍餘且製巾。星貫文稀堪樂事。聯曹鮑照藻辭新。伯元寓于藻思至止必竝驅辭陣矣。

答龐龍岡塞下秋意

故人握節遠屯邊。三見寒飈折塞綿。俎豆何妨學軍旅。兜鍪遂欲出貂蟬。酒酣帳下撓金夕。雪洒軍中蹋鞠天。不惜裁章報吾黨。欲將餘力鏤燕然。

胡氏遲客亭觀詩

石磴松蹊自不塵。亭名遲客客回輪。山中桂好雖畱隱。嶺上雲多肯寄人。夢草數殘康樂夜。禊杯閒記永

和春共游弭蓋爭摘藻。剝破林煙炙翠筠。

病免

股錫飄然指上方。翠微巖腹掩廳房。江山極睇才多助。竿木投機戲幾場。磨墨洗餘池溜變。玉盞清極茗華香。秋風莫負重來約。淨社霜蓮徧碧塘。

送宿州李明允都官

省帳香殘捲夕紅。名郎去守日圍東。組垂丈二腰章貴。騎擁千餘使幕雄。引節亭臯鄉梓近。貫都河溜客魚通。菲年美化流歡頌。盡入中和樂職中。

官下

東泊驂驔一駐車。馳雲茅木澹扶疎。風經禦寇仙遊外。野識裨謔草創餘。潁谷寒煙仍井邑。侯門殘日但丘墟。古治國非今治州兩都大道過從盛。不稱支離佩左魚。

白兆山橋亭

千尺虹泉界道飛。陰虬橫絕負雲闥。浮梁跨岸神移石。劫燼翻波地獻池。度日銜花翔翠鳥。經年支榻養靈龜。披襟便可祛煩惱。不獨東京叔度陂。

屬邑告稔寄轉運勸二使臺

稼雲彌望默紆餘。雨徧公私告稔初。田父此時歌擊壤。牧人他夜夢爲魚。勸符數下收遺糶。漕穀相銜餉剩儲。莫謂衰翁止蒙福。有年須待史官書。

送冀州李團練

雪雲寒氣著離杯。道北輕風大旆開。太守直居千騎上。將軍仍自九天來。征鼙曲曲漁陽慘。後乘人人鄴下材。忠孝相移難兩遂。沁園歸戀徧蘭陔。

答宿州王素都官

當年弛鐙避清塵。此地聯麾喜故人。豸角去冠休觸佞。虎頭分綬且行春。謗銷不復投親杼。官拙猶須讓後薪。酌酒爲君廣一曲。江邊收得子車身。

又寄王都官

倦把菱花照病容。蕭蕭斑鬢作衰翁。虞翻到骨終無媚。阮籍逢途但有窮。敢望君恩收墜屣。決須私計付冥鴻。銜盃後會何能定。萬里驚飈一轉蓬。

萬州齊都官

縹闕歸心戀九關。凭高郡閣見南山。彤幃冒雨春疇闊。紫閣焚香夜帳閒。宴弁側星陪卜晝。妍歌抽雪送酡顏。西京地大民風厚。蜀秣沈波月蚌還。

賀齊都官

十行泥檢潤瓊芝。序轉仙曹漢省闈。月隱假波三署筆。光添侍史五時衣。星躔入夜哀烏動。軍蓋迎晨碓雉飛。幾日霄塗歸奏御。景龍妍唱掩牙緋。

章判官說赴吳興幕

素領潘郎滯進階。東南沿牒得卿材。隋河鼓棹波成箭。越驛蒸衣雨是梅。客詠南風蒲齒勝。食無寒具畫廚開。政餘底處邀眞賞。洲上風蘋若下醅。

送王龍圖鎮秦亭

皂衣京兆數論兵。西護秦臺暫抗旌。顯父百壺連帳出。良家六郡佩韉迎。甘泉路邇烽桿候。非子川長馬房平。左右漢臣聊作帥。非緣侍從厭承明。

思歸

刻意傷春屬暮樓。江臯歸棹悵夷猶。青蘿怨鶴英山曉。疎笛吟龍臥鳩秋。掩泣泥陽思祖廟。長懷彭澤廢先疇。裂繻前誓風霜苦。早晚懷黃識漢侯。

答翰林蘇學士

開顏忽見故人書。併得雕章念索居。自是犧尊憶溝水。敢將吾笠望卿車。流年遂往蹉跎在。末路雖連

寒餘彈飾舊冠猶有愧。別來蒼鬢不勝梳。

寒食假中作

九門煙樹蔽春塵。小雨初晴灑火前。草色引開盤馬地。簫聲催暖賣餠天。縈絲早絮輕無著。弄袖和風細可憐。鼂署侍臣貪出沐。珉麈珠館愧頻宣。

把酒

歌管嘈嘈月露前。且將身世付醺然。謾誇賦鼠機頭箭。不識醺雞甕外天。青史有人譏巧宦。黃金無術治流年。君看醉趣兼醒趣。始足靈均更可憐。

擬杜子美峽中意

天入虛樓倚百層。四方遙謝此登臨。驚風借竅爲寒籟。落日容雲作暝陰。峴井北拋王粲宅。楚衣南逐女嬃砧。十年不識長安道。九籥宸開紫氣深。

早秋二首

月夜亭臯秋氣生。又從搖落到嶢嶢。寒花尙作茸茸密。晚葉偏能颼颼鳴。對把蟹螯何處酒。悵懷蓴菜此時羹。西風萬里吹斑鬢。可待中郎麗賦成。  
落照臨風細細寒。已收紋簾未收紈。山中桂老初含紫。澤上楓多併是丹。月過河橋低映樹。露從霄極暗

供盤。何人刻意離憂苦。不字靈均卽姓潘。

送張狀元監丞通理陝郊先覲親蜀道

苑樹櫻殘罷宴甌。驪駒籍籍望西州。左思麗賦都中貴。張載新銘劍外留。幾日戲裳貪潔膳。卽時歸雨勸耕疇。如何蔽芾甘棠國。再見臨淄第一流。

淳化中孫紫微漢公亦初履于茲府。

清明

曉日東南欲照梁。藏鷗密柳暗橫塘。行庖束蜜停晨饌。別館熏衣冷夜香。陌上鮮風橫去轡。陽濱翠潋泛行觴。獨嗟楚客流芳晚。淹臥悵悵帶眼長。

過安陸舊居鄰里相送

綠楊枝外斗闌干。出客雞鳴過近關。豈有車徒休汝上。暫同鄰里到方山。離魂正對春波苦。羈思猶隨隨勸鳥還。多謝滄浪送征棹。更密餘沫洗衰顏。

懷故里偶成

先疇少失杏花耕。十載窮塵困縛纓。山上有山成久客。吏中非吏得空名。吟塘碧草他年廢。霧驛哀猿此夜驚。何日謁歸聊望里。況無車騎得鄉評。

了淨歸天竺寺

曉原霜重俊鷹肥。一席歸風路不迷。林下會徒從霧合。海邊停梵見潮低。霜盤烹茗尋前圃。雨屐粘苔認故蹊。知有詩魔未降伏。湯休日在碧雲西。

寄葉兵部

吳門練影逐金羈。共羨潛郎得請歸。殖產舊封千戶橘。去臺初襖五時衣。晨杯鬪鼓江蓴滑。夕俎供糠洛蟹肥。分籍未容妨隱趣。海鷗汀鷺對忘機。

真上人

面壁觀空度幾春。靈山法會更離羣。定心不動池俱滿。標指無言月自分。經葉晝閒落毳褐。空花晨靜貯餘薰。金園晤賞人誰見。萬里殘陽送碧雲。

贈昭長老

虎錫多年寄寶坊。氍毹宴坐赤髭長。鵝燈雪嶺分千焰。蒲饌雞園積聚香。定水晝寒銷漏葉。社池秋晚亞蓮房。何時拂席升麟殿。塵毳微飄法座傍。

送靜照大師歸餘杭

旁行經葉振餘埃。社侶欣聞錫股回。林鳥入花迎擁械。江龍停浪送浮杯。他年應共銷香飯。幾夕飛談辯劫灰。漸次南征知有爲。化成今在故巖隈。

再逢成上人

上都初見赤髯年，竝在西州絳帳前。予識師于中每與文殊同問疾，不知靈運遽生天。上師嘗讀中山公之

還上

淮山永憶吟無社，梁苑重來供有緣。休問外堂諸弟子，餓思周粟賦歸田。

送僧遊越

越絕天長曉霧低，若耶雲樹蔽春暉。江龍浪穩迎杯度，岳虎蹊空避錫歸。晨飯聚香齋品潔，夜盆沈漏睡魔稀。玉璫誰望西來氣，五葉花開祖有衣。

和趙南正溪上二首

年少青春苦惜春，溪頭風物更留君。無花地展如茵草，欲雨天垂似鶴雲。船近鷺兒頻引頸，水清魚子忽分羣。吟情飲量皆豪俊，酒盞須斟一百分。

一樽狂計卽留春，更把詩篇惱使君。繞岸正搖千步柳，歸山曾約萬重雲。孤懷欲寫情空感，佳句相酬自不羣。怯見杜鰲無處避，便知優劣此間分。

臘後書所見

北斗邊城春柄回，閨年飄穀占餘灰。鼓聲催徧江南草，驛路傳殘隴首梅。寒日已高猶沆漭，薄雲無待故徘徊。何郎素憶慚杯杓，強欲乘閒撥凍醅。

過郢中

紫宙星翻睡霧開。據鞍追昔剩裴回。空聞曲裏陽春老。不見城西艇子來。苦李成蹊誰駐蓋。行雲無所自縈臺。江臯魚鳥留連極。枉被從軍驛馬催。

祇答天平龐相公

白玉堂中舊演綸。赤帷裳底老班春。攬煤自省非膏飯。投杼徐知不殺人。常恐虛名遭嚇鼠。寧防平路解摧輪。由來辨謗須君宰。收得江魚未葬身。

病興見春物欣盛釋然有臨眺之意

東風掠野暫輕埃。灑灑殘寒伴落梅。曉報谷鶯朋友動。暖將塞鴈弟兄回。驟生溪水迎人遠。自喜林花索露開。老罷何顏玩芳物。試憑狂醉上春臺。

吳感勾歸安簿

苑花聯醉七經春。猶佩當年一綵綸。京邑風塵初倦客。楚僧塗轍欲妨人。信潮暮送吳艎穩。公秫秋供箸耐醇。江外何因憑尺素。宕渠波惡損文鱗。

送同年孫錫勾簿巢縣

千牘公車與願違。卻懷黃綬去江湄。中郎食酪憂尊老。要路編苦笑錦遲。酒幟亭長離帶罷。浪花風穩暝

帆移。驚秋感別俱成恨。瘦盡森森瓊樹枝。

送胡宿同年主合肥簿

歸路青袍雜綵裳。何言縣枳滯鸞翔。恨無旨酒邀枚叟。愁聲斑駁送陸郎。四割楚萍資夕膳。一絃淮月望春艖。鈴齋坐鎮儒林丈。密啓行聞達上方。

和遙見歸舟

帆在天邊客倚樓。此時相望最離憂。星槎路遠迷全影。繡被香遙認半謳。不見鯨鱗休墜涕。莫逢蓮葉更障羞。石城艇子知非是。始信無愁果有愁。

送同年張孝孫勾簿穎陰

雪序繁雲掠苑回。行人此地一銜杯。東西溝上歌流水。南北枝頭怨贈梅。綿竹誦篇沈秘幄。堵坡題字晦輕埃。莫辭縣枳淹鸞翮。密啓天官佇薦才。

赴調

編政黃堂碧鶴衣。遠淪周粟位猶卑。人推東魯丘園秀。吏得西京法令師。驪駕路長雲拂蓋。鸛歌亭曉桂凝卮。上書自薦時非晚。囊牘三千正集帷。

馬上遇雨

萬瓦涼聲挫暑威。輕風斜濕看茸題。禁溝花咽先聞溜。馳道沙平久未泥。拂水有紋飛燕下。翻珠不定紫荷低。城陰霧密千門掩。更恐歸驂五里迷。

偶書

病骨巖巖怯早衰。月枝三繞寄身危。避風寧望鷄鵲亭。出卜頻遭僂句欺。余嘗詢窮通于日者皆不能中烟慘蔽江懷隱伴。雨苗頽隳負耕期。開年幾許他鄉淚。盡付窮途與素絲。

兄長莒公赴鎮道出西苑作詩有長楊獵近寒熊吼太液歌餘瑞鵲飛語警邁予輒擬作一篇

寶樓斜倚闕西天。北轉樓陰壓素漣。白雪久殘梁複道。黃頭開一作守漢樓船。塵輕未損朝來霧。樹煖纔容臘外煙。引節不妨饒悵戀。待歌魚藻記他年。

# 景文集卷十八

## 七言律詩

### 和致政燕侍郎舟中寄宴尙書

異時仙閣對三休。頓首辭榮動邃旒。疏廣故僚供祖帳。鴟夷盡室付歸舟。謝朓生玉懷歡宴。燕壁岡山代遠遊。新句漸高塵累少。紫微巖曲要相求。

### 答友人清明雨思

楚雲朝暮蔽前峯。佳節尋芳已半空。三日薰爐沈蕙綠。一星春火併榆紅。文鱗對擲回塘水。賀燕交飛翠幕風。悵憶沈齋題句罷。碎英無響墜華桐。

### 九日置酒

秋晚佳辰重物華。高臺複帳駐鳴笳。邀歡任落風前帽。促飲爭吹酒上花。溪態澄明初畢雨。日痕清澹不成霞。白頭太守眞愚甚。滿插茱萸望辟邪。

### 中山立秋

峯雲曉影破屏顏。萬里風生結早寒。人在兜零煙外走。歲從鷓鴣口中殘。槽花併滴添新酎。笳月兼輪掩

故執。白髮光陰誠可惜。五年搔首望長安。

二月十八日席上憶季長未還不同斯樂欲作詩寄之會使者來已有新章今牽連成篇拜呈上  
煙壓西郊兩壓津。滿城歌吹爲芳辰。江形左右衣留帶。柳色高低麴與塵。暖逼園花迎望密。曉催林鳥每啼新。知君貪擁光華節。未有尊前共惜春。

閏九月九日登高有感

隔霜雲葉繞天愁。閏節重來續舊遊。賦客豈辭聊暇日。楚人無奈臘悲秋。寒萸實老猶薰佩。晚菊香殘不  
古甌。悵憶故園歸信斷。渚鴻川鯉兩悠悠。

寄公序兄資政給事

再分銅虎滯侯藩。別後兼聞素領繁。契闊不成駢服馬。急難空念脊令原。壯心千鏃年年鈍。世路風波衰  
衰翻。輶轡虛名應只爾。早同私駕老邱樊。

春宴行樂家園

園荇初乾小雨泥。飲壺遊展況親攜。身輕早蝶千回舞。技癢新禽百種啼。春暖草茵侵坐軟。畏風桃綬向  
林低。陽暉自有留人意。銜照高樓未遽西。

病間答雜端龐淳之見寄

廊落彌旬故眼移。居慙君粟養支離。綾衾倦夢愁淹臥。星鬢流年報早衰。藥剗祛繁催月杵。茗腴供啜嗜存旗。迷魂復幹聞清唱。不減巫陽窺些詩。

### 眞定述事

莫嫌屯壘是邊州。試聽河山說上游。帳下文書三幕府。

部置安撫司并府事

二馬前韉韎五諸侯。

所管洛那縣相趙五州兵爲一路

王藩故社經除國。使窟餘風解報仇。四十年来民緩帶。使君何事不輕裘。

### 博州賂太保

關榆秋舞折膠風。坐嘯邊陲憶九重。宴榭綠醅春沸蟻。連營清角暮吟龍。幕中鏤管開陳檄。塞下兜零罷漢烽。計日民謠誼魏闕。褒功傳劄武泥封。

### 春曉感別

樓外疏鐘落曉河。天涯感別思煙波。三年客鯉傳書遠。五丈星機得素多。潯水東流勞想像。峽靈西去隔嵯峨。良辰自古難并樂。不獨驪駒送客歌。

### 有懷謝炳宗先輩

淒霜刮野轉蓬乾。永憶江湖旅鬢殘。身有支離求病粟。爵無公乘免旒冠。柴車路迴驂驢蹇。栗塢人稀溜鵲寒。日暮浮雲徧西北。客心悽斷向長安。

有懷寄同舍

不爲秋歸人未歸。淮南又見葉丹時。漢皇好少身今老。楚客愁醒吸始醺。夕棧長風驚代馬。曉天團露怨江蘿。夫君去我猶千里。萬慮勞勞欲語誰。

有懷宮保龐相公

木正乘春肯告勞。併持葱鬱護神皋。曉風遞暖何妨細。宿雨留雲未許高。向密垂楊能礙箭。圖長芳草欲爭袍。東城勝具應撩治。就趁尋花作宴醪。

漢南州按行江涘以詩見寄

側帽風輕過大堤。水村驕馬惜障泥。前驅夾道旗開隼。合宴傳殮帳繞犀。淨練寒江供望閣。赤萍圓日對吟低。輕筒絡繹傳清唱。知在春煙幾曲溪。

和丞相晨謁書所見

北闕天深報漏遲。臺鸞雍鷺共逶迤。廷風細引趨班佩。宮日遙烘簇仗旗。侍史有香來洞案。直郎無奏伏丹墀。殊隣競獻朝正玉。定是東風入律時。

答天台梵才吉公寄茶并長句

山中啼鳥報春歸。陰閩陽墟翠已滋。初筍一槍知探候。亂花三沸記烹時。陸氏烹茶每以三沸爲法佛天甘露流珍遠。

帝輦仙漿待汲遲。

上都惟乏嘉泉。故茶味差減。

飢罷翛然誦清句。赤城霞外想幽期。

### 貴溪周懿文寄遣建茶偶成長句代謝

茗簞纖香自武夷。陸生家果最相宜。烹憐畫鼎花浮柵。採憶春山露滿旗。品絕未甘奴視醅。暇清須要玉爲瓷。茂陵渴貼消無幾。爭奈還書苦思遲。

### 春日出浣花溪

側蓋天長蕩曉暉。暖風纔滿使君旗。水通江渚容魚樂。草徧山梁報雉時。場雨滅塵盤馬疾。樓雲礙曲進觴遲。少陵宅畔吟聲歇。杜子美宅在浣花溪上。柳碧梅青欲向誰。

### 送貴溪尉周懿文先輩

幾日銓符給詔程。賜袍如草滯僚英。大言久廢三千奏。倦曲難終一再行。吳蟹沈波秋稻富。海魚藏穴夜潮平。待君削牘登文石。梅福爲南昌尉。上書願一登文石之陛。趣與淵雲繼頌聲。

### 題漣水軍約隱堂并序

今趙集賢概未榮之日。嘗處于此。及登科。始以今名榜其堂。不五年。集賢出守軍政。當年齋榻豫章才。自領驂驛五馬回。庭下書筠多舊刻。檐間賀燕是重來。吟池墨久將成溜。坐石星殘欲徧苔。郡閣從今傳盛事。更霜寒霧霧記留隈。

寄獻淮陽陳相公

翹才閣下舊賓游。偶得魚符擁使轡。本自龜鍾依大冶。敢言鎗腳是鄰州。頻年廢忘拋黃卷。此地優閒養白頭。漫引雙旌非敏政。餘波須仰富民侯。

游白兆山寺

地枕層岑面勢斜。蔽虧原隰在烟霞。璇題街日三休閣。寶樹沿雲四照花。結社高風思惠遠。忘言真理寄毗邪。銅蓮漏永螟風細。不覺西陂轉若華。

寄令狐揆二首

揆入鄆中余方客江夏

楚山千疊隱南幃。漢渚風檣箭浪翻。流水東西俱怨別。離亭長短共銷魂。歌翻白雪知難和。法怯黃金故易昏。玉竹東巖詩筆苦。客裾猶欲曳何門。  
紫漢參橫宿霧收。煙江南渡恨夷猶。夢中未省能知路。天上何緣許寄愁。豈有文麟憑遠客。枉緣香杜怨芳洲。遙知花驛驚郎日。幾曲新詩播郢樓。

寄郭仲微

自君入佐張蒼計。直室深局老氏關。願我偶陪螭陛立。無人竝駕鹿車還。昔時在館常與仲微遊。今不復得。紅牙幹利資良畫。縹緲勞功積厚顏。幾日歸休期一笑。新醪浮白早黎殷。

寄河東按察待制施正臣

井門迢遞駕朱輪。紫橐宮毫晦隙塵。幾眼帶移貪事國。半生桐老苦傷春。比來置酒觴何屬。自此驚秋髮恐新。鼂署病夫期自代。眼中徧憶未歸人。

寄鄭天休

天休兩賜手問會。迫賤事不獲修答。

勣車交辟滯東南。盤蕙多年歇賜衫。千日醉醒孤共酌。一書開閉遠空函。怨歸定對王孫草。無恙應隨散騎帆。傾聽囊帷奏嘉頌。清時寧忌絳侯說。

見寄

雲梯叱馬賦西征。滿歲無功答盛明。收得桑榆真晚計。倚爲箕斗是空名。癡逢美玉終能治。曲訴么絃久未平。壯思雖衰猶得在。一篇申甫爲公成。

決韻天平觀文龐相公以久留塞下見寄

昔駕輅封北護邊。已慙星鬢久凋年。御爐香外拋晨謁。刁斗聲中廢夜眠。梁雪送殘他日賦。郭舟誰共此時仙。思歸未敢貽公念。更辦秋懷敵露蟬。

邑外晚景

林梢規日透霞鮮。滯穗纍纍徧大田。豺口祭餘開獵禁。豚蹄祝罷得逢年。雲容不動寒垂地。陂影無涯靜

合天一國似狂予獨爾。長吟饑腹伴殘蟬。

贈吳太博二首

銀兔頻年滯使麾。曲臺猶掌一王儀。四巡奏頌推嚴筆。千牘程書入漢帷。駟里飛觴酣玉液。天街疊鼓候金羈。前期侍從升塗地。祕殿螟風拂翠綏。月轉觚稜玉樹齊。通宵歸夢繞金闕。柔桑密映秦樓騎。溫詔香懷漢署泥。殺簡載書傳祖德。懷金酌水賦新題。丹楓七澤朝天路。丈組垂腰繫佩低。

送李芝還舊德

章冠慣趁舞雩春。屬疾彌年素產貧。舊德卻招三徑菊。歸裝不受九街塵。平時戲服歡爲綵。日後迎蒲待裏輪。天下書生皆皓首。牛溪休訪續經人。

答戶部勾院王學士泊滄陵見寄

峭颿風罷到淮瀕。草草停橈一問津。大小山前懷古地。短長亭下未歸人。林姿暗淡吞霞彩。浪疊光芒受月輪。尙憶他年故儔在。擘牋題作郢中春。

送段祕丞同理金陵

自審刑赴相幕之辟

楮丹濡筆獄無冤。佐守初依鳳沼蓮。南土出藩申伯寵。辟書爲首嗣宗賢。蟠龍運脈山圍國。犛角宵涼水

際天。哲輔定知三入相。則君同赴渭濱畋。

送張清臣學士省侍金陵

仙閣三休紫霧平。金門試罷得蒸青。同時第賦留宸幄。他日閒時戀相庭。逗箭夕流催檜楫。賜花春豫憶雲屏。吳天此夜瞻台座。併是荀家父子星。

送簡殿丞赴闕

共治清淮北而州。壽陽雖曰淮南。實治淮北大。裴何言分袂。夷猶君還南闕。雙龍下。我駐東方千騎頭。未洛林花延別酌。無窮隄草伴行舟。懷人愬月勞勞意。自此相牽更倚樓。

祇答提舉觀文丁右丞

懇辭金殿得班春。龔篋相從素瀨濱。坐閣仍題修史筆。去鄉猶是受經人。浮雲富貴心知厭。淡水交游老更新。三嘆來章深意在。肯容冠綬久生塵。

病告作寄武平湖內翰

病擁綿袍雪領垂。當關重疊報晨暉。夷吾畏事將成吃。蘧瑗增年轉格非。宦路風波頻歲劇。予十一年。故歷五州。山薇蕨每春肥。餘生正似風前鶴。慙負陽秋說退飛。

九日宴射

佳節憑高駐綵旗。亭皋霧罷轉晨曦。壩間羽集號猿後。臺外塵飛戲馬時。芳菊治疴爭泛紫。丹萸解惡徧傳枝。明年此會知何處。醉玉頽山不用辭。

孫集仙世領東海

雲岳蒼鬱照城郭。奕葉鄉州擁使符。畫繡愈衣今日貴。子廷猶憶向時趨。故新筭綬薰相續。前後郊棠影不孤。絳帳諸生今史氏。炙青容補世家無。

羅學士出守復拜承旨感而有賦

十八年前玷玉堂。當時綠髮此蒼蒼。傷禽縱奮愁瘡重。廐馬雖還笑齒長。薰罷山爐飄暗燼。漱餘銅碗冰寒漿。須慚清切鑾坡地。不是吾人得性場。

送荆湖北漕張職方

賜對雲簾幾刻畱。東南公利入牙籌。方船萬粟浮江下。封府三錢出地流。驛路塵清迎弩密。省臺薰歇護衣愁。不妨徧歷騷人國。金橘丹楓互占秋。

送殿院張奎漕京東

霜柏輕寒驚曙烏。使臺東道亞風旗。人瞻御史乘聰貴。錢續司農朽貫餘。唯苑千門聊按節。齊官三服罷移書。此行須信褒恩美。新詔黃金飾佩餘。

淵宗郎中移利州路漕

列驕傳聞避軺車。天角橫參帳飲餘。卽日前驅催負弩。幾旬論報罷移書。賜山故冶流錢外。燒棧新郵轉粟初。使選愈華身尙遠。喜榮嗟滯兩何如。

初入蜀州閣道作

綠雲棧腳轉嵯峨。使者重來叱馭過。杜宇有冤啼夜月。女羅憑鬼護山阿。巖深樹氣埋蒼霧。峽窄江形束素波。自問一春行役苦。帶環移眼奈衰何。

早春出近郊

迴望三條接上蘭。野霏山秀似堪餐。冰翻斷影回魚暖。雲作輕陰借雁寒。卽席縹清宜玉笋。何人蘇合費金丸。風長麥淺如皋路。雉子斑斑錦羽乾。

出次近郊

江練東南楚塞長。野烟寒氣共蒼茫。局幘班馬思長道。攪肉飢烏下夕陽。旅舍樵蘇勞後爨。農家簞笠遠相望。坐觀民瘼無他畫。庭列鴈鶩日眩光。

寄襄陽觀徐師

日夕高陽酹羽杯。琳房岑寂外塵埃。山庭桂老幽人住。天陸星躔處士回。珍樹暝猿侵戶嘯。碧潭僊菊照

聽開箕風動地雲羅闕。誰伴凌空禦寇來。

和季長學士綿漢道中作

一櫓澄清暫按州。卻因風景獨夷猶。弦殘漢月驕前曉。粉疊巴雲盡外秋。持節頻年煩出使。富民虛日待封侯。省紆麗藻嗟行役。正恐才多剩四愁。

得揚州書

四郡連翩擁使旗。多年不聽汝南雞。宴開河北千人帳。書用黎陽一櫓泥。水曲箭波喧夜櫓。原田絲雨勸春犁。可嗟未預元規論。坐據胡牀送月低。

送韓廷評婺州市征

去程烟草妬藍袍。越絕天文寶婺高。五兩樵風船畫鷁。九秋犀燭鷺翻濤。吳鹽煮海通關賦。陸棗收金析利毫。仙酎油囊鱸膾潔。未妨餘暇左持螯。

楊備永嘉市征

漢祀壇邊望畫衣。故人杯酒怨歌騶。幾枝北道梅傳信。一味南方桂補羸。後雨蒸青貽素業。舊塘生草繼妍辭。他年第願歸何處。名應唐家十二時。

祇答和國龐公將至并部馬上垂寄

大旆前驅拂晉雲。寒天迎望靜無氛。幄中舊借留侯筭。麾下今分鄧禹軍。馳驅襁褓隨指顧。賣殘刀劍事耕耘。據鞍抒思眞餘力。又占風騷第一勳。

得杭州鄭資政書

誤拋荷蓑別雲裘。天賜疎慵臥治州。轅下已疲猶戀主。道邊寧死不爲鉤。風波路惡驚危涕。蓬葆年侵變黑頭。獨喜故人恩契厚。冷灰遺飯遠相求。

予旣到郡有詔仍修唐書寄局中諸僚

一章通奏領州麾。詔許殘書得自隨。吾黨成章眞小子。官中了事是癡兒。昏眸病入花爭亂。倦首搔餘雪半垂。所賴章吳皆傑筆。劉生當見汗青期。

知幾論史贊言垂白有期汗青無日

雲夢李使者

關征盤錯帶南州。三見丹楓墜楚秋。列侍百重圍虎戟。酣歌丈八憶蛇矛。草生宵夢傳詩筆。梅析春醪託使郵。矍鑠據鞍休自歎。壁門初日待鳴騶。

西征道中寄友人

賦就江毫一點然。柳衰猶足代征鞭。蛟盤恨極無餘涕。鵲瑟悲多有剩絃。斜日楚楓低候雁。早霜秦樹送殘蟬。文章滿腹眞何益。深愧囊中趙壹錢。

南亭獨騶

在景陵

宇下雄風細細涼。客眸凝絕此回腸。絡頭騎過羅敷陌。畢尾烏喧女子牆。流水清渾迷別浦。碧雲高下送殘陽。懷人撫物愁何盡。試借蘭成萬斛量。

題羅江翠望亭兼簡西游君子

暫解征鞍息使郵。孤亭望斷更夷猶。山從劍北呈天險。樹徧巴西送客愁。拂衽風和循幌入。濯纓江好近人流。憑君且作剛腸憶。懷遠思歸易白頭。

自訟

史藝雖殘得自隨。兵符未解定堪嗤。淹留正似周南老。戲劇何爭灞上兒。鉛筆用多毛禿落。髻鬟愁罷雪紛垂。十年尙滯成書奏。可驗相如屬思遲。有人多病臥遙帷。誤舍寒耕失故畦。每畏賓朋嘲乘鴈。寧教子弟愛家雞。淹中學廢心都塞。轅下鳴餘耳更低。自顧上恩無一報。何顏歲晚望金閨。坐甞無客凍鴟愁。談樹蕭然兩見秋。執戟不知身寂寞。寫書猶得罪風流。官閒無日慙軒鶴。機盡多年謝海鷗。借問嚴科能免否。杜陵男子有耕畴。

欲棲鳥

湘竿風急未成樓。御史臺前見落暉。桂令欲依秦氏宿。柳深先望白門歸。迎秋別恨填銀漢。未夜啼聲怨玉徽。悵望西樓珪月滿。惜君猶更向南飛。

早發途中

六幕星翻斗轉車。隨衣王粲更離家。孤城隨月三槌鼓。碧樹啼烟九子鵲。獨望殘雲愁散雪。暫聞長笛憶京華。霞朝莫問離懷苦。帶眼愁多只有賒。

喜雨

陰霞襲曉混層暉。雨勢連天決決垂。潑火正投寒食日。催耕併及杏花時。波生客浦揚舲遠。潤逼宵櫓作。慘遲把酒命賓聊一笑。吾農喜罷反吾私。

晚春有感

試上高臺望綠簾。一春芳意向人疎。殘花半落紅無幾。新筍爭長綠有餘。底處流霞殘別酌。卽時油壁欠來車。不須更向昆池去。便有胡僧話劫初。



# 景文集卷十九

## 五言長律

享廟禋郊詩有表〔案〕仁宗本紀。  
事係慶歷四年十一月。

右臣昨以攝職奉常對相大賚自齋幃之出宿屬紛雪之糅空蓋百神來臻將受其職故九旻凝晦用顯厥靈洎大輅啟行陰雲解駁轍無纖縠道有微津天日交華室家胥慶而又皇帝陛下虛次清廟盡孝思之恪微擣上壇極尊奉之意六成備奏三獻有儀寒飈戢吹朔氣停凜美光充于四極喜氣洽于萬情此蓋聖德升聞靈鑒垂答黍稷之馨非至天人之際遂交臣親覲善祥敢忘詠歎謹齋祓撰成享廟禋郊五言詩各一章一章八韻一章十韻干冒宸嚴無任省循荒斐戰慄屏營之至謹隨狀通進以聞謹奏

## 享廟八韻

左廟崇清烈前郊赴享期瞻言七世室竝薦一元祠樂變攬金備祭日詔諭太廟備奏九成不令減節天行步玉遲香茅均奠鬯錦冊不懸辭今制竹冊有錦紐標有詔回宸釐他宮奉母儀衣冠對游月脂澤感平時俟獻庭虛次兩廟各有小次日傳宣行禮更不入小次登歌拜受禋飲福登歌樂作大哉王者孝萬葉煥烝彝

## 禋郊十韻

大駕我千乘。長塗過百廛。塵清屬車地。雪盡帳城天。

先是己卯大雪。至丙辰。乘輿赴太廟。雲物開。賓幸已赴郊宮。則馳道清潤。不塵不淖。步從黎明。

降華燈。艾夜燃。升琮奠。黃粹薦。璧捧蒼圓。牲俎羣靈匝。

北郊太祖皇帝升銜。上垓皆徹耕。壇第一。

緋褥接黃褥。導至神位。

前。有詔徹去。以明尊奉。

小次但虛褰。上立俟三獻禮畢。不見纖羅動。是日四方澄靜。月惟開雅佩旋。回雲。

終樂奏。

詔令備曲。故送神樂。尤舒遲和雅。

重月上柴煙。曉月已高。

日至方流慶。崧呼節獻年。欲知釐事畢。難救出樓前。

大禮慶成。

并狀。仁宗本紀。係慶元元年事。時已隔景祐三年。故云三歲一郊時也。

臣向緣法從祇覲慶儀。自六飛之健行。訖萬靈之合享。事皆如震。官靡告勞。瑞雨灑途而卽收。陽旭騰空。

而可愛。士無瘡苦。民溢歡謳。此皆皇帝陛下。明發有懷。小心昭事。馨香肆于霄極。虔蠶格乎神心。介福蕃。

聲。交騰于百順。振聲飛響。洞接于九圖。大雉惟新。舍生胥抃。臣飲和云。舊逢吉日多。輒叩畢以考言。均過。

簫而效響。謹抒陽郊慶成五言詩一章十六韻。干冒宸聽。無任震惶。謹繕寫隨狀上進。以聞。謹進。

上帝懷明德。同壇展盛儀。南城七里路。三歲一郊時。豫動森華蓋。乾行儼絳螭。山河對旒冕。辰象倚旂旗。

禰帟前增謠。皇靈下告慈。密都俄奠玉。清廟徧胥葵。田燭紛先置。軒營肅左移。禮行忘景晏。恩厚覺寒遲。

紫宙天鴻洞。賓柴燎陸離。合祛聯祭祐。妥佑判純犧。饔食千華炬。陪祠萬翠綈。開天浮協氣。亘海受洪釐。

愛日兼祥至。隨風與令馳。羣心樂更始。徽冊貺顯辭。堯舜文章煥。淵雲頌嘆疲。無階効論報。敢告日孜孜。

孟冬駕狩近郊。

并狀。仁宗本紀。係慶歷五年十月事。

臣伏觀今月十七日幸楊村打圍。皇帝親射麋兔甚多。至未刻還宮者。歲始孟冬。駕云行狩。除地近縣。先置迴場。詔七萃以景從。按六龍而行健。皇帝陛下躬御武節。俯從前禽。兩驂亟馳。一發如破。獸人給鮮之不暇。君庖課獲以既盈。幔省中休。衢尊徧錫。取不殫物。姑薦宗廟之新。民僕其來。喜見羽旄之美。入而振旅。日未靡旃。臣猥挈荷囊。預從豹乘。親逢盛事。難默悴音。謹撰成皇帝狩近郊詩一章五言二十韻。繕寫隨狀上進。輕渥呈覽。伏用震惶。

講事當農隙。于政法健行。百神奔漢。萬騎扈軒營。齎弩先驅肅。彤戈後隊明。雲羅垂列岳。虎落壓裨瀛。掠野毛羣萃。搜林羽族并。熊羆兆中見。鸞鶴陣前程。鼎中星孤妙。連飛月箭輕。皇帝親射皆捐禽命中鴈窮書併墜。兔盡窟兼平。俊鶻交拳擊。寒鷹厲吻鳴。舞鵞均耳耳。鉞犬關令令。示祝仍開網。招虞不用旌。纔聞大綏下。已見獲車盈。行在移鑾仗。中塗集幔城。壽觴稱帝酒。恩膳徧君羹。霧日曠曠暖。霜原澶澶清。長楊卷衰葉。敦葦拉枯莖。羽獵何煩諷。車攻遂合庭。寧專乾豆薦。要閱建章兵。風入旂常影。天含鼓吹聲。九街猶未晚。堯屋已還衡。

進幸南園觀刈宿麥詩

有表  
天聖三年五月奉  
〔案〕仁宗本紀

臣某言。伏以開游神隴。素謹于弄田。霄極嘉生。式登于首種。震吾王羽旄之美。棟彼都人士之觀。伏惟皇帝陛下。惠利翔仁。清明求治。候駟星而訓務。謹烏師之扈民。萬寶阜滋。至和鼓舞。直斗城之南辟。嚴虎落

之繚垣。薰吹襲辰。秀岐彌望。京師奔告獻狀于屢豐。宸蹕健行宣風于一豫。用薦新于寢廟。差賜帛于農人。薰爲樂和。塞乎穹壤。臣幸逢嘉會。竊綴蕪音。得于轅壤之餘。備乃瓜華之采。呈覽是瀆。隕越爲憂。臣某謹進詩隨表稱賀。

農扈方迎夏。宮田首告秋。嘉生擁瑤縣。蕃穗徧天薶。肅雨津莖浹。薰風獵穎浮。登成告田峻。省敘徯王游。紫宙凝神暇。丹書訪道休。天行九五健。歲取十千求。洪洞開金狄。連蜺按玉虬。塵清屬車豹。槍密羽林騶。芝覆依丹旭。旌門倚綠疇。先驅護綿野。後騎隘長楸。滌圃初開地。腰鎌競勸收。田趨農帝耒。塋錯夏王溝。褒粟攢周甸。茨梁屬舜眸。鑿長包圈虎。箱重載星牛。九扈開靈圖。三辰駐綵旂。勞農差有賜。置酒酌言酬。鳴爵知年稔。爲魚告夢優。雲雷一日澤。鐘鼓萬人謳。帝醉鈞天闕。仙歸紫氣留。明饗資寢廟。足食煥緹油。觀太學釋奠。

鄉盛菁莪選。邦崇奠菜儀。涓辰大昕鼓。持節少牢祠。粉袞瞻凝眸。銀袍豫攝齊。芼蕝紛潤沚。鬱齊泛尊彝。璧水回寒影。經槐墮曉枝。幸觀三獻罷。共荷百朋時。

大酺紀事十四韻

天禧二年

太極登徽冊。鴻恩潤慶圖。三秋少皞月。五日漢家酺。頒惠東西暨。高年左右趨。雲雷方霑澤。酒食更成需。慈宴周繇寓。宸嬉極上都。風飛迎沛筑。尊滿列堯衢。羅伐漁陽鼓。龍吟北里竽。激波呈曼衍。跳索戲都盧。

虎瑟修旃映。鵷夷後乘俱。瑞烟浮玉戟。靈旭射金鋪。篚帛侔王鎬。童冠盛舞雲。歌忘齊國味。辱免絳人塗。紫宙織羅廓。層穹協氣敷。萬靈酣飫賜。朝野正多娛。

奉和御製後苑賞花詩有狀

臣伏見今月二十五日。召宰臣以下。赴後苑賞花釣魚。側聞降賜天什。許羣臣屬和。榮幸之極。二紀罕逢。臣濫直北門。于法當從。而偶以移疾。適在告中。不得侍歡祕幄。與百獸參舞。悵悵三陌。飛肉無階。謹率蕪累。次歌奉和聖製詩一章。局情淺致。無以稱道盛德萬分之一。干瀆呈覽。

詔蹕迴清籟。宸旒駐紫烟。喬雲霏漢幄。法曲度文絃。獵翠雄風度。凝香甲帳褰。仙葩浮羽葆。藻衛繹芝廛。式宴千鍾酒。迷魂七日元。宸章紆寶思。休詠掩樓船。

代賦後苑賞花釣魚

黃屋宸襟豫。靈琨苑制雄。鈞天回帝所。太液近唐中。瑞旭搖卿鶴。丹葩雜紺叢。王魚多在藻。君鵠鎮迎弓。式宴暘陽露。徒歌屬大風。此時慈惠洽。共樂夏渠豐。春豫凝蒼陸。天旋駐翠華。黃圖包漢制。靈沼象周家。風助千人唱。神移萬品花。韶音清感鳳。騶節妙論蛇。宴露晞心養。霑天灑酒霞。侍臣均式燕。義馭重西斜。

慈聖閣秋橙結實上召宗室同觀

〔案〕仁宗本紀。係慶歷四年事。

昔預穰侯貢。今移漢掖旁。帝憐秋實茂。天許本根強。媚葉童童密。幽花裊裊香。苞垂列星緯。味變九霞漿。薰軫分風近。仙盤餉露涼。和羹竝梅蘖。連葉讓芝房。舜日晨烘霧。堯雲夕護霜。不隨江北化。思助廟中嘗。盧橘非同種。安榴肯竝芳。榮觀聳麟族。賦筆助荷囊。

被召觀三聖御書詩

有狀  
係天聖八年八月事  
〔案〕仁宗本紀

臣今月九日。蒙召赴迎陽門觀三朝御書者。天作上聖。神付多能。珍毫霏麗。睿文森積。星日列象。雲漢爲章。詔範後昆。作成希寶。皇帝陛下。仰奉祖訓。欽懷宗軌。列籤分帙。跋尾署年。將祕禁中。永冠緹籍。何圖近列。咸預榮觀。慶尙臨顏。物皆改色。歡猶在臆。歌不檢言。謹齋祓扞成詩一章。凡六十字。以伸感會。塵昧聰覽。伏用震惶。其詩謹隨狀上進以聞。

列聖多能備。俱留乙夜勤。出圖天與畫。觀跡帝成文。露灑紛仙液。鸞回雜瑞羣。毫均五色麗。書對十行分。玉軸羅旅帙。芝泥儼舊薰。嗣皇尊世哲。金匱冠攸聞。

題承詔亭

地占高明適。亭兼仁智居。竹林茲置酒。栗里近回輿。山對盤龍外。濤觀濯鷺餘。落霞霏迴宇。升月淨涼疏。園登梧陰合。牕風桂籟徐。萼芳曼空逕。野綠冒前除。宴廈仍喧雀。賓庖已饜魚。落成嚴詔下。猿鶴怨輶車。

車駕出獵和丁學士

九扈聊清野。三驅比出畋。紫雲華蓋上。玉斗帝車前。藻衛羅長薄。星槍落晚廛。旗開龍對舞。新製黃龍旗以標行在聯合鳳相聯。魚貫圍中隊。風毛仗裏天。寒熊批怒掌。飢鶴下蒼拳。困獸開仁網。良禽獻廟鮮。上射中禽。即先薦太廟。賜庖飛騎促。勞飲醺烽傳。歷覽黃圖迴。裴回翠帽旋。涓臣將盛美。吉日繼王篇。

### 紀聖詩

沙麓披祥牒。金刀襲裔昆。嬪虞冠嬀汭。生子首姜嫄。自昔儀椒室。乘時正翟軒。禕綸躬象服。黃老好名言。慈蔭天同廣。柔風律竝暄。露光流月姊。祕緯應星龍。嗣統開橫兆。遵遺奉壽原。愛親周道始。加太漢儀尊。參務絲言愼。臨朝玉色溫。從容攝日月。指顧靖乾坤。盡散脂田邑。親繰繭舍盆。紀功彤管史。貽訓濯龍門。寶稼興東戶。佳兵戢左韃。萬靈翔氣辨。五始匝春元。夜隕西方雨。神清積石源。良時標歷鳳。延祝動延鯨。縑玉虹光射。絲囊露采翻。齋科藥珠館。供會佛家園。薦壽超千劫。同寅望九閭。南風來助曲。北斗下臨罇。瑞鑑紅搖旭。香鼎碧裊昏。欽承子道至。奉養母儀敦。雉饗橫霏霧。仙盤灑瑞暎。紫雲回幄影。銀蒜動鈎痕。我有吹笙宴。朝均湛露恩。忝同邁明辟。難霸掩曾孫。束帛霑羣后。張廔答樹惇。思賢君子荇。循法大夫繁。寶貝南浮海。邦圖北際鯤。此時歸寶算。仙石奉綿存。

### 九日侍宴太清樓

薦九標佳節。中天駐翠輿。晨光清複道。秋色徧儲胥。畦稻霜成後。宮橙露飽初。省收行步玉。拜賜儼華裾。

皇帝臨視刈稻宣許從臣同觀。曼衍來長樂。鳴夷下屬車。帝韶儀瑞鷁。王藻躍恩魚。霽霧供披拂。涼風助  
又令觀橙訖。並賜橙稻新米。掃除高楊穿葉外。仙菊泛花餘。寒入弓聲厲。歡留酒算徐。神池原不浪。溫樹未曾疎。帝眷憑秋稼。臣心仰  
夏渠。承平將樂事。併入史臣書。

十日宴江濱亭

節去歡猶在。賓來賞更延。悠揚初短日。淒緊乍寒天。霽沼元非漲。秋花自少妍。蟻留新獻酎。蕙續不殘烟。  
戲鯁衝餘藻。游龜避沂蓮。流芳真可惜。從此遂凋年。

尹學士自濠梁移倅秦州

干役三年遠。論兵兩鬢斑。不辭征戍苦。要作破羌還。楮墨應圓熟。兜烽報永閒。浮舸背淮服。盤馬入秦關。  
遂閣讎書筆。仍餘聚米山。憶君他夕恨。遙向隴雲間。

初除直講獻內閣馮學士孫侍郎

圓海崇遺教。中陵育茂材。霧從仙市合。風向舞雩來。寶篆倖東壁。儒篇訪曲臺。泮芹參上俎。燕簪擁輕埃。  
鼓篋華冠聚。丘山縹帙開。蟲形浮墨沼。鼠耳綻經槐。有客緣承乏。無庸愧濫陪。難重漢家席。易眩魯門杯。  
學困青箱廣。書愁皓首催。空塵博士議。不稱洛陽才。高閣連雲景。層城枕斗魁。惟應仲尼治。未惜鱗顏回。

和石學士直舍晨興

高閣休殘暝。層梁逼早噉。芳風萬年樹。殘月九重閣。枕歌淵魚夢。裴貪睡貉溫。星杓壓城角。天漢落河源。肅唱千廬寂。傳聞萬戶喧。烟浮紫藜觀。春著翠梧園。有客方岑寂。紉書滯討論。新年居右席。此地到西崑。硯瀉含毫滴。刀餘削柿痕。談高白馬度。頰罷碧雞翻。幸接雌黃凡。同歡清白樽。古樂府有清白各異樽不因窺麗句。誰刮翳矐昏。

再到國子監感昔有懷

十載虞庠路。依然目所存。高槐記經市。秋水識橋門。迴閣珍圖祕。長廊審像昏。舊徒皆突弁。故友卽塵根。與子同直講者公孫覺王琪皆已淪謝昔在衣成緇。今還祿有軒。范雲身寢老。雲表自太學老博士之語何術謝君恩。

上元觀燈紀事

泛膏聞舊典。秉燭嗣芳辰。霞破初迎月。林寒卽讓春。鈞天移帝樂。北斗下城闌。匝地沈香燎。浮空羅襪塵。竝珂馳寶鉸。分幃驚彫輪。忽去騰夷路。還來競要津。酒胡矜耐美。梅額銜妝新。誰見甘泉時。昏祠遂至晨。

玉堂北欄叢竹

玉署凝嚴處。朱欄封殖恩。其誰賞高節。祇自保孤根。密幹青杜蠹。危梢翠蘿翻。故林茲地隔。新實幾時繁。細籟供風枕。斜陰疊月軒。雀驚衝葉墮。蟬靜抱枝喧。戴氏當年譜。梁王自古園。對容金馬客。深在玉堂門。本以蕭蕭擢。還由冉冉存。烟能留暝色。粉解記春痕。拾籀題吟墨。披叢爽醉魂。愛君同省樹。不敢爲人言。

九日

帝京蒙福近，相國假藩初。銚熟中齋酒，廚鮮上客魚。高懷日暫放，外物久驅除。岸首無妨飲，宜尼或飯疏。林凋疑野闊，荷罷似池虛。此樂憑誰辨，須煩藻思餘。

會聖宮

寶地披重岫，瓊宮庇萬楹。人瞻鼎湖駕，天護玉簫祠。列聖聯絺袞，千官擁翠綬。陰森殿中傘，智燿羽林旒。白日窺晨幌，明河宿曙帷。露盤金突兀，甲帳繡葳蕤。馴象春耕外，遊冠月出時。洛湍縈禁籞，嵩岳倚罍罍。早晏嚴薰瘼，春秋達信辭。樽醅綠葉桂，齋饌紫房芝。壁帶華燈錯，銀牀露綆垂。奇葩萬品秀，珍木五衢滋。碧柱栽翔鳳，璇璫舞暗螭。園金布爲地，次東有景靈禪院泉玉漱成池。宮西即馮家溪劫石聊客拂，仙花白不萎。樓含太虛近，鍾到下方遲。賜服鄉三老，歌風沛小兒。奉承紛有次，過謁儼多儀。此路真姑射，前峯卽具茨。何當紆詔蹕，原廟慰時思。

和道卿舍人承祀出郊過西苑馬上有作

西郊一超忽，祠節暫踟躕。天迴欽臨野，河長側貫都。飛廉披苑路，南斗抱城隅。填壑時休獵，棲糧戶免租。虎歸仍習圈，鳳下稍依梧。池岸斜聯鑣，宮楹上集胡。慎齋雖有屬，勝踐未云孤。霧裏過仙市，輪邊認佛圖。檀楊間對偃，鶴鵠靜相呼。牧罷林將暝，樵歸徑自紆。有懷攜鑊管，何苦促驅駒。壯思飄然發，知君顏謝徒。

三月二十一日集海雲鵞慶院

地勝祠仍古，春餘物徧華。山雲時抱石，佛雨不萎花。嶺挾樓梯峻，巖牽殿城斜。淙谿雜環佩，怪蔓走龍蛇。  
供去聲坐僧飛鉢，香園客戲沙。吾游眞草草，深意負青霞。

喜同朱舅秀才小飲

隱几劇端憂，良辰喜嘯俦。揆天鶚鶴筆，換酒鸕鶿裘。談座眞同色，賓壺喜順投。雪雲低北戶，葦墅接西州。  
露葉燕蘭老，霜津鄧橘秋。二豪休作頌，五白自成牟。平日欣交呂，前期卽召鄒。彫觴莫辭醉，潞水易分流。  
將東歸留別楊宗禮十韻

清白舊家聲，論交得寧馨。攜華叶鳳賦，開禮墮鱣庭。潘夏叨連璧，荀陳更聚星。膠投思固漆，渭濁許過涇。  
合坐懷妍唱，分詩寫素屏。情深方柏悅，性懶自榆瞑。短羽偏驚月，羈游劇泛萍。北梁催稅鞅，南郡阻繙經。  
曉色三竿日，離歌十里亭。期君促西上，相遇在神垌。

漢州房公湖

丞相于藩日，䟽湖訟開西。疑從濟川地，寫出釣璜溪。流淺初無浪，源清不貯泥。月爲宵幌燭，雲作曙樓梯。  
礙馬汀篁密，縈船浦蔓低。人亡桃李在，脈脈尙成蹊。

得故人楊備書

款款南雲信。相存安穩不。比年常屬疾。茲地幸爲州。浩蕩親知隔。奔騰日月遄。暴公初有刺。孫叔竟無謀。黑白蠅間變。嫌疑李下求。側身忘夙夜。回首得沈浮。士節何嘗屈。君恩回計酬。泝封共龜手。知罪一春秋。言命曲來罕。逢辭敢辯庾。紛吾常用拙。焉往不離憂。重詛勞王物。揚芬避十薈。虛弦落驚鴈。眞月瑞疲牛。谷口輸誰隱。周南愧自留。疋殘千騎長。形勝二山流。冥術驅秦盜。彌旬錄楚囚。巫風那肯化。祠鼓詎曾休。安敢襲黃最。眞堪趙魏優。闕然宣布曲。直爾作牢愁。今子身東望。思同智北游。據懷弄杯杓。對帙理墳丘。眷眷餘青眼。蕭蕭共白頭。姑縈裘與葛。隨度臘和腰。構櫟人寧顧。遺簪上或收。狂言非所惡。君仍惠施儔。內閣孫侍郎生辰紀德

鳳瑄凝姑律。奎鉤誕佐臣。祥標六蓬矢。家盛十朱輪。變道齊成魯。端朝甫及申。禁中朝夕誨。帝右老成人。徧讀蘭圖字。多陪豹尾塵。桓榮師自許。石建謹無倫。振鷺飛逾潔。緇衣久更新。鑄賢今是治。播物晚爲鈞。胡廣潭留菊。蒙莊樹有椿。奉公爲壽禮。山立輔昌辰。

郭仲微見過問疾

薄宦眞何補。居然滯拙艱。無心圖作佛。予素不喜浮屠。常以此戲語世人。有疾願藏山。臂率愁肌減。毛鷲暮領斑。未能吳客問。誰恨越人變。學倦書刀廢。呼慵博雉閒。寧慙局轅下。爲恥醉墻間。直道胡論枉。空言分合刪。蒼蠅徒擾擾。狂獮自嘯嘯。上客迂飛蓋。窮閭問閉關。餘光照徒壁。高辯破連環。感激排非聖。棲遲觸怒頑。十年休

賦蜀二姑欲睎顏。予屢乞郡守而未遂。昔有彈冠進。今將櫟被還。春休晴絮白。日入暝霞殷。舊產平臺側。新田潁水灣。予近有田數頃在潁陽。翟即潁水之陽。吾游如不遂。巖樾試重攀。

和晏相公九日郡筵

令序凝秋籥。歡游駐使軒。行觴酒籌密。踏節舞韡翻。榴熟丹房解。萸香紫粒繁。風頭臘輕慘。日腳送斜暄。鏤管新篇進。轉運學士即席賦詩。吹花舊俗存。請爲丞相壽。長久慶調元。魏文帝書稱九月九日俗嘉其名以爲宜于長久。

早夏集公會亭餞金華道卿內翰守澶淵得符字

早夏乘休沐。離襟屬餞壺。欣同佩荷豪。恨及唱驪駒。感戀陪雲筑。道卿留預乾元上壽乃行。飄飛別帝梧。騰裝照魚服。行帳繞犀株。慙去班中詔。寧容滯左符。惟應九里潤。蒙福在京都。





